



Til medlemmene av Vest-Telemarktinget

2. juni 2009

Innkalling til møte i Vest-Telemarktinget.

Stad:	Dyrsku'n, Seljord (møtelokalet ved hovedporten)
Dato:	Tysdag 16. juni 2009
Kl.slett:	13.00 (Lunsj vert servert kl. 12.00)

Vi kallar med dette inn til møte i Vest-Telemarktinget og viser til vedlagte saksdokument.

I sak 6 legg det føre rapport i samband med arbeidsprogrammet for 2008 – 2009. Rapporten gjer greie for dei ulike aktivitetane i regionen.

I sak 7 og 8 vert det lagt fram forslag til formelle endringar i samband med val og vedtekter som fylgje av at Hjartdal kommune går ut av regionsamarbeidet dette året.

Som avsluttande sak tar vi for oss Stortingsmelding nr. 25 (2008 – 2009) "Lokal vekstkraft og framtidstru. Om distrikts- og regionalpolitikken". I denne saken er det lagt opp til at representantar frå politisk leiing i Kommunal- og regionaldepartementet er tilstades for å orientere nærmare om saken.

Vi minner om at det vert servert lunsj frå kl. 12.00 og vonar alle har høve til å delta på denne.
Vel møtt i Seljord 16. juni.

Venleg helsing
Vest-Telemarkrådet

Olav Urbø (sign)
Regionordførar

Kjell Gunnar Heggenes
Regionrådsleiar

Sak 1/2009 Opprop

Medlemer av Vest-Telemarktinget 2008 - 2011.

(Pr. juni 2009)

Fyresdal kommune:

Ordførar Bjørn Nome – varaordførar Annveig Veum Aas
Rådmann Ketil Kiland
Annveig Veum Aas – Lars A. Bjørgulfson
Saamund Gjersund – Gunhild Slyngstad

Hjartdal kommune:

Ordførar Olav Tho – Camilla Djupedal Krosshus
Rådmann Jan Sebjørnsen
Jørgen Lia – Audun Solberg
Bjørg Inger Flatland – Håvard Kaasa

Kviteseid kommune:

Ordførar Torstein Tveito – Asgerd Stråndi
Rådmann Hans Bakke
Olav Mosdøl – Anne Oddny Foldøy
Bjørg Kyrkjebø Staaland – Jarle Hjertås

Nissedal kommune:

Ordførar Anne Nora Oma Dahle – Johanne Vejrup
Rådmann Sverre Sæter
Asbjørn Tveiten – Marianne Bråten Odden
Astrid Eidem Nordal – Øyvind Tveit

Seljord kommune:

Ordførar Solveig S. Abrahamsen – 1.vara Stig Høgetveit / 2.vara Edvard Mæland
Rådmann Kristian Torp - Hansen
Jon Svartdal – 1.vara Arvid Vala / 2.vara Iselin Stundal
Aud Jonskås – 1.vara Jorunn A.Hegni / 2.vara Eivind Skogheim


Tokke kommune:

Ordførar Olav Urbø – varaordførar Astri Fladberg
Rådmann Olav Bjørn Bakken
Astri Fladberg
Kjetil Fulsås – Venke Bakke

Vinje kommune:

Ordførar Arne Vinje – Ole Kr. Nyhus
Rådmann Hans Kr. Lehmann
Aslak Ofte – Margit Auran
Børre Rønningen – Gunn Aslaug Seltveit Bøe

Sak 4/2009 Årsmelding og årsrekneskap for 2008



Vest-Telemarkrådet

Årsmelding og årsrekneskap

for perioden 1. januar til 31. desember 2008

Årsmelding og årsrekneskap
2008

Vest-Telemarkrådet

Årsmelding for Vest-Telemarkrådet 2008.

"Vest-Telemarkrådet skal vere eit samarbeidsorgan for dei deltagande kommunane på alle område og alle plan, og skal vere eit organ for løysing av felles spørsmål og oppgåver for dei same kommunane."

Tinget er det øvste styringsorganet og består av ordførar, varaordførar, eit anna kommunestyremedlem samt rådmann frå kvar av dei deltagande kommunane.

Rådet, som består av ordførarane i dei 7 kommunane, står for den daglege drifta saman med dagleg leiar.

Økonomi.

Årets overskot på kr. 88 255,- vert overført eigenkapitalen.

Leiinga.

Ordførar Olav Urbø i Tokke kommune har vore regionordførar i Vest-Telemarkrådet i 2008. Regionvaraordførar for same periode har vore Olav Tho, ordførar i Hjartdal kommune.

Frå arbeidet i Tinget.

Det er halde 2 møte i Vest-Telemarktinget i 2008: 17. juni og 16. desember.

I tillegg til ordinære saker som budsjett, årsmelding og rekneskap handsama Tinget i 2008 fylgjande saker: Evaluering av det regionale samarbeidet i Tinget, Rådet og Fellesfondet, namne-endring til Vest-Telemarkrådet, halvårsrapportane i samband med det vedtekne arbeidsprogrammet samt regionale prosjekt om tilflytting, marknadsføring, reiselivsutvikling og rekruttering.

Tinget vedtok i desember 2007 arbeidsprogram for 2008 – 2009. Innretningen for arbeidsprogrammet er at dette skal syne retningen og gjelde i 2 år. Vidare skal det knytast tiltak til måla og måloppnåinga skal kontrollerast av Tinget 2 gonger i året.

Arbeidsprogrammet har fylgjande visjon og mål/tiltak:

Vision: Vest-Telemark – ein levande region.

Kommunane i Vest-Telemark er kommunar med sær preg, høg kulturprofil og målretta samhandling. Regionen er attraktiv for busetjing, næringsetablering og framvekst av kompetansmiljø. Livet i Vest-Telemark er prega av fokus på løysingar og positive vinklinger.

Mål 1 Oppretthalde folketalet og busetnaden i heile Vest-Telemark

Tiltak:

Auke dei unge si sjølvkjensle og tilknyting til distriktet, og stimulere til entreprenørskap

Ha god tilgang til vidaregåande skule, samt etter- og vidareutdanning for innbyggjarane

Kartlegging av viktige lokaliseringsfaktorer for potensielle tilflyttarar

Vidareføre småbruksprosjektet

Stimulere til rekruttering av arbeidskraft

Fylgje opp dei aktuelle tiltaka i næringsplanen og landbruksrapporten

Mål 2 Sterk regional samkjensle og styrka Vest-Telemarkidentitet

Tiltak:

- Stø opp om kulturtiltak som fremjar kjennskap, identitet og samhandling
- Legge til rette for godt regionalt samarbeid, herunder elektronisk kommunikasjon
- Drive aktiv marknadsføring av regionen
- Drive alliansebygging/lobbyverksemnd og kome tidleg inn i dei ulike politiske endringsprosessane

Mål 3 Vidareutvikling og nyetablering av verksemder i Vest-Telemark med grunnlag i distriktets sær preg og lokale ressursar.

Tiltak:

- Fylgje opp dei aktuelle tiltaka i næringsplanen og landbruksrapporten
- Sikre tilgang på eigenkapital
- Stimulere til samordning av marknadsføring av reiselivet i regionen
- Marknadsføre førememonane i regionen
- Legge til rette for lokal foredling og småskalaproduksjon
- Legge til rette for etablering av kompetanseverksemder og nettverk
- Styrke samarbeidet mellom regionalt og lokalt næringsapparat.

Mål 4 E 134 og Riksveg 36 held fram som det viktigaste hovudsambandet mellom aust og vest. Utvikle potensialet i Telemarksvegen (riksveg 41), som viktig korridor mot sør og kontinentet. Etablere ny infrastruktur for kommunikasjon.

Tiltak:

- Samarbeid med Haukeligvegen AS, Arbeitsgruppa for E 134/Rv 36, Telemarksvegen
- Vest-Telemark Næringsforum og andre viktige grupperingar
- Arbeide mot sentrale styresmakter, spesielt i høve til Nasjonal Transportplan og vurdere bruken av ressursar
- Fremje tiltak for alternativ finansiering av sentrale investeringsprosjekt
- Arbeide for auka midlar til investeringar og vedlikehald av øvrige riks- og fylkesvegar
- Sikre full utbygging av breiband i regionen
- Arbeide for full dekning innan mobilsamband og digitalt bakkenett
- Arbeide for realisering av høgfartsbane over Haukelifjell

Evaluering av det regionale samarbeidet i Vest-Telemarktinget, Rådet og Fellesfondet.

I møte 19. juni 2007 fekk Rådet i oppdrag å gjennomføre ei evaluering av det regionale samarbeidet i Tinget, Rådet og Fellesfondet. Det vart sett ned ei arbeidsgruppe med representantar frå dei 7 kommunane. Gruppa hadde som mandat å gå gjennom status for samarbeidet i dei ulike organa, sjå nærmare på organisering og oppgåvefordeling samt belyse konkrete resultat av samarbeidet.

I møte 22. april handsama Rådet rapport frå arbeidsgruppa der det kom fram at ein ynskjer å tydeleggjera at Tinget først og fremst har ei formell rolle. Rapporten viste vidare at Rådet ser ut til å ha funne ei god arbeidsform og har fått ein funksjon som høver både internt og eksternt.

Ein ser på regionrådet som eit viktig samarbeidsorgan og eit viktig organ for å ivareta distriktsinteressene.

Når det gjeld Fellesfondet var rådet frå arbeidsgruppa å avvente dei vidare tingingane mellom Telemark fylkeskommune og dei 8 kommunane.

Rådet slutta seg til rapporten frå arbeidsgruppa og denne fekk også tilslutnad i Tinget i møte 17. juni 2008. Rapporten vart deretter sendt til dei enkelte kommunane.

I møte 17. juni vart det også gjort vedtak om namne-endring frå Vest-Telemarktinget til Vest-Telemarkrådet.

På begge møta i Tinget låg det føre halvårsrapportar gjevande det vedtekne arbeidsprogrammet. Rapportane vart handsama og godkjent.

På møtet i Tinget 16. desember vart det dessuten orientert om 4 sentrale prosjekt i Vest-Telemark: Utvikling og samordning av reiseliv, rekruttering av arbeidskraft, tilflytting og marknadsføring av regionen.

Frå arbeidet i Rådet.

Det er halde 11 møte i Rådet i 2008 og handsama 94 saker. Av viktige saker kan vi nemne:

Struktur for dei vidaregåande skulane i Telemark.

Ei nedsett arbeidsgruppe innan Telemark fylkeskommune la i 2007 fram ulike forslag til ny struktur for dei vidaregåande skulane i fylket. Eitt av alternativa gjekk på å legge ned Bø vidaregåande skule avdeling Seljord.

I møte 20. november 2007 gav Vest-Telemarkrådet klår melding at dette ikkje var akseptabelt og ein bad fylkeskommunen om ikkje å fremje slikt forslag til politisk handsaming.

Dette vart likevel gjort, og på rådsmøtet 8. januar 2008 låg det såleis føre formell høyring der 2 av 3 alternativ innebar nedlegging i Seljord. Ny uttale vart gjort der regionen gjekk sterkt i mot nedlegging både i Lunde og Seljord.

I den endelege politiske handsaminga i fylkeskommunen lukkast det å få fleirtal for å oppretthalde skulane både i Lunde og Seljord.

Val av administrative representantar til strategigruppene i Telemark fylkeskommune.

I møte 19. februar vart det gjort følgjande vedtak:

- *Som administrativ representant til strategigruppa for næringsutvikling/den gode bustad veljast Henry Mæland*
- *Som administrativ representant til strategigruppa for infrastruktur veljast Kjell Gunnar Heggernes*
- *Representantar til dei 2 andre strategigruppene vert valt av rådmannsutvalet.*

Etter møte i rådmannsutvalet same dag er det meldt attende følgjande:

- *Som administrativ representant til strategigruppa for kompetanse veljast Oddvar Hallaråker*
- *Som administrativ representant til strategigruppa for kultur og identitet veljast Hans Kristian Lehmann*

Etter leiarskifte i Vest-Telemark Næringsutvikling er no Haldor Kaasin administrativ representant i strategigruppa for næringsutvikling/den gode bustad.

Deltaking i prosjektet ”Med argusøyne på WTO”.

Rådet sa i februarmøtet ja til å delta i prosjektet ”*Med argusøyne på WTO*”, der målsetjinga er å fylgje med i forhandlingane, ha påverknad på desse og bidra til best mogleg resultat for regionane. Arne Vinje vart valt som representant frå vår region til ei nedsett arbeidsgruppe.

Nasjonal Transportplan 2010 – 2019.

I møte 19. februar vart det orientert om det nyleg framlagte forslaget til nasjonal Transportplan. Statens Vegvesen har hatt pålegg om å budsjettere ut frå kostnadsnivået i 2007 ganga med 10 for perioden 2010 - 2019.

Store og viktige prosjekt som Århus – Gvammen, E134 gjennom Kongsberg og nye tunnellar over Haukeli var ikkje med grunnforslaget. Fyrst ved eit alternativ budsjett med 20 % påslag var dei 2 fyrstnemnde prosjekta inne i planen.

I rådsmøte 11. mars vedtok Rådet felles uttale med Midt-Telemark der det mellom anna gjekk fram krav om eit påslag på 30 %, noko som gav grunnlag for å få inn Haukelitunnellar i tillegg til Århus – Gvammen og Kongsberg.

På bakgrunn av denne felles uttala vedtok også Vest-Telemarkrådet i møte 16. september å be Statens vegvesen utarbeide moglegheitsstudie for delfinansiering av nye Haukeli-tunnellar ved hjelp av bompengar.

Ny plan- og bygningslov, plandelen.

Det låg føre eit heilt nytt forslag til plandelen av plan- og bygningsloven (Ot. prop nr 32, 2007 – 2008). Kommunal- og regionaldepartementet vil etter kvart fremje ein proposisjon til som skal innnehalde byggesaksdelen, og dei 2 proposisjonane skal seinare resultere i ein felles plan- og bygningslov.

Plankontora i Nissedal og Vinje fekk på rådsmøte 11. mars i oppdrag å gå gjennom den framlagte proposisjonen med tanke på moglege endringsforslag.

I rådsmøte 22. april vart det gjort vedtak om å ta opp med departementet viktige punkt som kommunanes bortfall av rett til å gje dispensasjonar samt fjerning av saker gjeldande kraftutbygging.

Energi- og klimaplaner i kommunane.

Det er krav til kommunane om å utarbeide energi- og klimaplaner og det ligg føre ein vegleiar utarbeidd av Enova som kan nyttast i arbeidet etter at politiske vedtak er fatta.

Fylkeskommunen har ei koordinerande rolle i dette arbeidet og i mars-møtet ba Rådet rådmannsutvalet sette ned ei administrativ koordineringsgruppe for å fylge opp det vidare planarbeidet.

Barnevernsamarbeidet, vidareføring.

I møte 22. april drøfta Vest-Telemarkrådet vidareføring av barnevernsamarbeidet i regionen på bakgrunn av avslag frå sentralt hald om å halde fram som interkommunalt selskap. Det var då tinga ei utgreiing frå advokatane i KS og Rådet gjorde vedtak om å fylge opp saken på politisk nivå. Den vidare prosessen viste imidlertid at barnevernsamarbeidet ikkje fekk høve til å halde fram som IKS, og kommunane vedtok seinare på året å organisere samarbeidet som administrativt vertskommunesamarbeid etter kommunelovens § 28b.

Landskonferansen for regionråd.

På regionrådskonferansen på Røros i 2007 vart det bestemt at konferansen i 2008 skulle finne stad i Balestrand medan 2009-konferansen skulle leggjast til Vest-Telemark.

På rådsmøte 20. mai vart det sett ned ei arbeidsgruppe for å førebu denne og fylgjande vart valde: Olav Urbø, Anne-Nora Oma Dahle, Solveig S. Abrahamsen, Elisabeth Lid og Kjell Gunnar Heggenes.

I rådsmøte 19. august vart det vedteke å legge 2009-konferansen til Quality Straand Hotel i Vrådal 24. – 25. august.

Kollektivtransporttilbodet i distrikta.

I møte 20. mai drøfta Vest-Telemarkrådet kva rolle Rådet skal ha i samband med kollektivtransport-tilbodet i regionen. På bakgrunn av signal frå Telemark Bilruter om at selskapet ikkje lenger har høve til å ta distriktsomsyn når rutetilboda skal fastleggjast, vedtok Rådet å sende ei formell henvending til fylkeskommunen og be om ei meir aktiv rolle i saken. Likeeins ba Rådet om å bli involvert i ei komande evaluering gjeldande mogleg tilbakeføring av innkjøpsfunksjonen for kollektivtrafikk-tenester frå Vestviken Kollektivtrafikk til Telemark fylkeskommune.

I møte i Fylkestinget 18. - 19. juni fekk fylkesrådmannen i oppdrag å greie ut konsekvensane ved å trekke seg ut av noverande innkjøpsordning, og at denne utgreiinga skulle skje i nært samarbeid med kommunane.

Vitalisering av næringsapparatet. Rapport utarbeidd av Knut Vareide ved Telemarksforsking.

I møte 19. august handsama Rådet rapport om vitalisering av næringsapparatet i kommunane. Rapporten rådde mellom anna til å danne eit "Vest-Telemarkteam" der nærinssjefane/næringskonsulentane i kvar enkelt kommune skulle inngå, og ha ein stillingsbrok i Vest-Telemark Næringsutvikling på minst 20 %. Det vart vedteke å legge rapporten fram for handsaming i kvar enkelt kommune med tilbakemelding til regionrådet. Dei seinare tilbakemeldingane gjekk ut på at kommunane ikkje ynskjer å overføre delar av desse stillingane til VTNU men at dei ynskjer å vidareutvikle samarbeidet på dette området.

Miljøfagleg kompetanse.

I augustmøtet låg det føre notat frå leiar av Kviteseid Venstre, Jon Ingebretsen, der han stilte spørsmål om det trengst meir miljøfagleg kompetanse i kommunane og at ein vurderer moglegheten for å tilsetja ein felles fagperson. Det kom fram at kommunane vurderer situasjonen som rimeleg bra i høve til eigen miljøkompetanse, og at ein nyttar innleigde krefter etter behov. Eit aktuelt tiltak kan likevel vera å opprette eit miljøfagleg forum i regionen.

Intensjonsavtale mellom Sogelandet SA, Telemark fylkeskommune og kommunane.

I møte 19. august godtok Vest-Telemarkrådet forslag til intensjonsavtale mellom dei 3 nemnde partane. Målsetjinga er å etablere Sogelandet som nasjonal knutepunkt-destinasjon og vidareutvikle dette som motor for det regionale kulturbaserte næringslivet i regionen. Avtala inneber eit årleg driftstilskot frå Fellesfondet/kommunane under føresetnad av Staten og fylkeskommunen også kjem med sine årlege bidrag.

Hjartdal kommune – oppseiing av medlemskap i Vest-Telemarkrådet.

I brev av 5. august sa Hjartdal kommune opp sitt medlemskap i Vest-Telemarkrådet med grunngjevnad at kommunen var teke opp som medlem av Regionrådet for Kongsbergregionen.

Vest-Telemarkrådet tok dette til vitande i rådsmøte 19. august og vedtok å ha ein gjennomgang av dei ulike samarbeidsområda/prosjekta der Hjartdal kommune er involvert. Etter vedtekene varer Hjartdal sitt medlemskap i Vest-Telemarkrådet fram til 5. august 2009.

Vidareføring av entreprenørskapsarbeidet i Vest-Telemark.

I rådsmøte 16. september orienterte prosjektleiar Elisabeth Lid om entreprenørskapsarbeidet i regionen. Det vart gjort slikt vedtak:

"*Vest-Telemarkrådet tek orienteringa til vitande. Rådmennene får i oppdrag å innhente informasjon frå skulesjefane og melde status for entreprenørskapsarbeidet attende til Rådet.*

Informasjonen vil danne grunnlag for beslutning om korleis entreprenørskapsarbeidet skal vidareførast og korleis arbeidet skal organiseras og finansieras."

I rådsmøte 11. november låg det føre tilbakemelding frå rådmennene som seier at ein ser dagens entreprenørskapsprosjekt som avslutta frå komande årsskifte. Det må no vera opp til den einskilde skule/kommune korleis entreprenørskap vert vidareført i Vest-Telemark.

Forslag om å klassifisere Rv41 som stamveg i samband med gjennomføring av forvaltningsreformen.

Det låg føre uttale frå eit møte i Åmli 9. oktober der kommunane langs Rv41 hadde vore tilstades i lag med Agder fylkeskommune, NHO og ulike næringsorganisasjonar. I uttala ber ein om at Rv41 beheld status som stamveg i samband med gjennomføringa av forvaltningsreformen der øvrige riksvegar er foreslege overført til fylkeskommunane. Vest-Telemarkrådet slutta seg i møte 15. oktober til denne uttala.

Lobbyverksemd.

På bakgrunn av eit notat frå Vest-Telemark Næringsutvikling drøfta Vest-Telemarkrådet lobbyverksemd i møte 15. oktober.

Det kom fram at påverknadsarbeid også i framtida må vera ein viktig del av rådet sitt arbeid og vera underlagt leiar og styrande organ for VTR. Ein må vera budd på å kjøpe kapasitet utanfrå i enkelte tilfelle, og kommunane må vera positive til å bidra med sakkunnskap og utgreiingskapasitet.

Innspel til handlingsprogrammet i Fylkesplanen.

I møte 15. oktober vedtok Vest-Telemarkrådet 9 område som innspel til handlingsprogrammet for 2009.

Desse er: Strategisk Næringsplan for Vest-Telemark (finansiering av 2 aktuelle tiltak), entreprenørskap, småsamfunnssatsinga, breiband/mobilsamband/digitalt bakkenett, Telemarkskanalen, Sogelandet, høgfartsbane, gass til Telemark og stamvegnettet.

Som representant/vararepresentant til Utviklingsforum Telemark vart vald Olav Urbø/Olav Tho.

IKT i Vest-Telemark, status og vegen vidare.

Torgeir Selle frå Telemark fylkeskommune og Børge Skårdal frå Vest-Telemark Næringsutvikling samt representantar frå IT-avdelingane i kommunane var tilstades i rådsmøte 11. november. Det er gjort ei omfattande breibandutbygging i regionen, og mykje har skjedd innafor IKT sidan E135-rapporten låg føre i 2003.

Det er lagt viktige føringar i nasjonale dokument som til dømes *E-kommune 2012* som inneholder 20-30 delmål som skal oppfyllast innan 2012.

Aktuelle samarbeidsområde er: Elektronisk samhandling innan helse og omsorg, elektronisk handel, arkivering og sakshandsaming, informasjonstryggleik, IKT-arkitektur, integrasjon av IKT-system, strategisk IKT-leiing, kompetanseutvikling, grøn IT og breiband.

Rådet gjorde følgjande vedtak:

"Vest-Telemarkrådet tek orienteringane til vitande og ser det som viktig å delta i IKT-samarbeid med dei andre regionane og fylkeskommunen.

Regionrådet vil sette i gang eit arbeid med å definere nye strategiar, arbeidsmåtar, samarbeidsområde osb. "

Framdrift i samband med oppretting av bompengeselskap.

I møte 11. november drøfta Vest-Telemarkrådet den manglende framdrifta i høve til oppretting av bompengeselskap for E134 og Rv36 samt manglende oppstart av planleggingsarbeid på dei aktuelle delstrekningane.

Rådet vedtok å gjera ei formell henvending til Telemark fylkeskommune der det vart bede om oppfylging av fylkestingsvedtak av 29. april 2008.

Det vart vidare bede om at Statens vegvesen måtte sette i verk aktuelt planleggingsarbeid for at tilgjengeleg planleggingskapasitet ikkje skulle risikere å bli omdisponert.

Uttaler/skriv frå Vest-Telemarkrådet i 2008.

Struktur for dei vidaregåande skulane i Telemark.

Uttale av 8. januar der Vest-Telemarkrådet går mot å legge ned dei vidaregåande skulane i Lunde og Seljord.

Nytt regelverk for motorferdsel i utmark.

I møte 8. januar gjev Vest-Telemarkrådet uttrykk for misnøye med fylkesmannens framstilling av saken og stor Vinje kommune si uttale i høve til bruk av snøskuter i regionen.

Nasjonal Transportplan 2010 – 2019, felles uttale.

Vest-Telemarkrådet godkjende i møte 11. mars forslag til felles uttale til Nasjonal Transportplan 2010 – 2019 i lag med Midt-Telemarkrådet.

Forvaltningsreformen, høyring.

I brev av 26. februar 2008 frå Kommunal- og regionaldepartementet var kvar enkelt kommune invitert til å kome med uttale i høve til oppgåver i samband med forvaltningsreformen. Vest-Telemarkrådet vedtok på møte 11. mars å gje felles uttale i saken.

Handlingsplan for lokalmat i Telemark, høyring.

I mars-møtet vedtok Rådet uttale til handlingsplan for lokalmat i Telemark. I uttala kjem det mellom anna fram ynskje om enklare regelverk, betre rettleiing og andre former for støtteordningar.

Forslag til endringar i odelsloven, konsesjonsloven og jordloven. Bu- og driveplikt.

I møte 22. april vedtok Rådet å gje uttale i samband med forslag til endringar i odelsloven, konsesjonsloven, og jordloven.

Pass-kioskar.

I mars-møtet vedtok Vest-Telemarkrådet å sende brev til justisdepartementet i samband med plassering av dei nye pass-kioskane for å peike på at dette er tenester som bør finnast ved alle lensmannskontor.

Kollektivtransporttilboda i distrikta – skal kommunane ha eit ord med i laget ?

I møte 20. mai vedtok Vest-Telemarkrådet å sende ei formell henvending til Telemark fylkeskommune for at regionen skal ha ei meir aktiv rolle i samband med fastsetjinga av kollektivtrafikktilbodet i distriktet. Rådet ba også om å verte involvert i ei komande evaluering av innkjøpsordninga for desse tenestene.

Organisering og godtgjersle i forliksråda.

Det vart vedteke å sende brev til justisdepartementet og ta opp problemstillinga omkring manglande godtgjersle for medlemmer av forliksråd.

Fylkesdelplan Hardangervidda. Høyring planprogrammet.

På rådsmøtet 16. september låg det føre brev frå Buskerud fylkeskommune med invitasjon til å kome med merknader til framlagt planprogram for fylkesdelplan Hardangervidda. Rådet såg det ikkje som aktuelt å lage eiga uttale, men ga støtte til Vinje kommune si uttale i saken.

Klassifisering av Rv 41 som stamveg.

I møte 15. oktober slutta Vest-Telemarkrådet seg til ei felles uttale frå dei aktuelle kommunane, NHO og ulike næringorganisasjonar der ein ynskjer Rv 41 klassifisert som stamveg i samband med gjennomføringa av forvaltningsreformen.

Fylkeskommunalt budsjettforslag om nedlegging av klasser i vidaregåande skule.

I samband med budsjettarbeidet for 2009 låg det frå fylkesrådmannen føre eit forslag til innsparing som innebar nedlegging av skuleklasser mellom anna ved Bø Vidaregåande skule, avdeling Seljord.

Vest-Telemarkrådet peika i uttale av 11. november på viktigheten av å oppretthalde dagens skuletilbod og signaliserte at regionen ikkje godtek nedleggingsforslaget.

Forvaltning av høgfjellsvegar som kryssar regiongrenser.

På bakgrunn av at Vegdirektoratet no greier ut prinsipp for ansvarsfordeling gjeldande driftinga av dei ulike fjellovergangane drøfta Vest-Telemarkrådet saken i rådsmøte 15. desember.

Rådet vedtok å sende skriv til Vegdirektoratet der ein viser til næringliv og busetting og viktigheten av god heilårsdrift og sikker regularitet på E 134 over Haukelijell.

Rådet meiner at det er Statens vegvesen, region Sør som på best måte oppfyller desse krava og som fortsatt bør ha ansvaret for denne høgfjellsvegen.

Utvila rutetilbod på Sørlandsbanen. Støtte-erklærinng.

I møte 15. desember støtta Vest-Telemarkrådet eit innspel til Norges Statsbaner frå Midt-Telemarkrådet der ein ber om 2 nye togavgangar på Sørlandsbanen.

Uttale i høve til forsert utbygging av tunnelen Århus – Gvammen.

Vest-Telemarkrådet vedtok i møte 15. desember å støtte innspel frå Seljord og Hjartdal kommune der dei i brev til samferdselsministeren ber om framskanding av tunnelen Århus – Gvammen til fyrste del av planperioden i samband med rulleringa av Nasjonal Transportplan.

Gjennom deltaking på rådsmøta har Vest-Telemarkrådet i 2008 fått nærmere orientering om følgjande saker:

- Tiltak i samband med regionprofiling v/Henry Mæland
- Dialog med Statens vegvesen om ulike vegspørsmål, v/Trude Holter og Asbjørn Arnevik
- Utviklingsoppgåver innan kultur og kulturbasert næringsutvikling, v/Geir Berge Nordtveit og Karl Johan Heide
- Utvikling og samordning av reiseliv for å styrke reisemåla i Vest-Telemark, v/Karin Kvålsen

- Felles gjeldsrådgjeving, v/Vegard Omdal og Berit Valhovd
- Mattilsynet, v/Liv Engravslia og May Britt Dale
- Vitalisering av næringsapparatet, v/Knut Vareide
- Omorganisering av familievernet, v/Tor Eivind Erikstein
- Tannlækjaranesta i Vest-Telemark, v/Gudmund Tveito
- Blefjell Sykehus, v/Ivar Dahl
- Innovasjon Norge, v/Isak Rosenvold og Reidun Løite Myhra
- Entreprenørskapsarbeidet, v/Elisabeth Lid
- Tilflyttarprosjekt Telemark, v/Haldor Kaasin
- Arbeidet med å skaffe plass til asylsøkjarane, v/Tormod Stavnes
- Bygdelivsprosjektet, v/Emilie Asplin
- IKT, status og vegen vidare, v/Torgeir Selle og Børge Skårdal

Skjønnsmidlane.

Vest-Telemark fekk i 2008 kr. 1 867 250,- i skjønnsmidlar frå fylkesmannen.
Midlane gjekk til fylgjande prosjekt:

- IT-system for turnusplanlegging innan pleie- og omsorg: kr 1 307 100
- Overgang frå GAB til matrikkel: kr 560 150

21. april 2009

Olav Tho

Solveig S. Abrahamsen

Bjørn Nome

Anne-Nora Oma Dahle

Arne Vinje

Torstein Tveito

Olav Urø

Kjell Gunnar Heggenes

VEST - TELEMARKRÅDET

ÅRSREKNESKAP 2008 AVD.1 KONTORDRIFT

RESULTATREKNESKAP	2 008	2 007
INNTEKTER		
Salsinntekter tjenester	-	77 720
Tilskot	-	51 000
Driftstilskot frå Fellesfondet	1 060 000	960 000
SUM DRIFTSINNTEKTER	1 060 000	1 088 720
DRIFTSKOSTNADER		
Lønn til tilsette	469 972	408 256
Berekna feriepengar	56 478	48 991
Godtgjersle til tillitsvalde	30 000	25 000
Arbeidsgjevaravgift	58 689	49 236
Arbeidsgjevaravgift av pål. Feriepengar	5 987	5 193
Pensjonskostnader	52 852	44 903
Annen personalkostnader	3 636	14 263
Leige lokaler	33 231	30 000
Renovasjon, vann o.l	3 375	2 855
Ljos og varme	6 616	8 309
Inventar	-	-
Vedlikehald utstyr	-	-
Revisjonshonorar	12 250	4 068
Rekneskapshonorar	22 529	11 791
Sekretærtjenester	7 660	6 250
Konsulenthonorar	-	51 000
Tilskot til prosjekt i VTNU	12 500	-
IT-tjenester	23 709	9 110
Kontorrekvisita	22 116	11 591
Trykksaker	8 125	
Aviser, tidsskrifter, bøker o.l	3 213	1 080
Møter, kurs o.l	152 869	194 816
Annen kontorkostnad	-	-
Telefon	5 962	5 653
Porto	135	813
Bilgodtgjersle , andre reisekostnader	36 226	55 871
Reklame, annonsering	22 487	6 167
Gåver	-	8 197
Bankgebyr	635	506
Annen kostnad	13 260	22 832
SUM DRIFTSKOSTNAD	1 064 510	1 026 750
DRIFTSRESULTAT	(4 510)	61 970
FINANSINNTEKTER/-KOSTNADER		
Renteinntekter	92 764	82 917
Rentekostnader	-	-
FINANSINNTEKTER	92 764	82 917
ÅRSRESULTAT	88 254	144 887

VEST - TELEMARKRÅDET

ÅRSREKNESKAP 2008

RESULTATREKNESKAP	2008	2007
INNTEKTER		
Salsinntekter tjenester	-	77 720
Tilskot	3 517 250	2 741 000
SUM DRIFTSINNTEKTER	3 517 250	2 818 720
DRIFTSKOSTNADER		
Lønn til tilsette	469 971	408 256
Berekna feriepengar	56 478	48 991
Godtgjersle til tillitsvalde	30 000	25 000
Arbeidsgjeveravgift	58 689	49 236
Arbeidsgjeveravgift av pål. Feriepengar	5 987	5 193
Pensjonskostnader	52 852	44 903
Annen personalkostnader	3 636	14 263
Leige lokaler	33 231	30 000
Renovasjon, vann o.l.	3 375	2 855
Ljos og varme	6 616	8 309
Inventar	-	-
Vedlikehald utstyr	-	-
Revisjonshonorar	12 250	4 068
Rekneskapshonorar	22 529	11 791
Sekretærtjenester	7 660	6 250
Tilskot til prosjekt	2 469 750	1 730 000
Konsulenthonorar	-	51 000
IT-tjenester	23 709	9 110
Kontorrekvisita	22 116	11 591
Trykksaker	8 125	
Aviser, tidsskrifter, bøker o.l	3 213	1 080
Møter, kurs o.l	152 869	194 816
Annen kontorkostnad	-	-
Telefon	5 962	5 653
Porto	135	813
Bilgodtgjersle , andre reisekostnader	36 226	55 871
Reklame, annonsering	22 487	6 167
Gåver	-	8 197
Bankgebyr	635	506
Annen kostnad	13 260	22 832
SUM DRIFTSKOSTNAD	3 521 760	2 756 750
DRIFTSRESULTAT	(4 510)	61 970
FINANSINNTEKTER/-KOSTNADER		
Renteinntekter	92 764	82 917
Rentekostnader	-	-
FINANSINNTEKTER	92 764	82 917
ÅRSRESULTAT	88 254	144 887

VEST - TELEMARKRÅDET

ÅRSREKNESKAP 2008

	2008	2007
Balanse		
OMLØPSMIDLAR		
Kundefordringar	-	80 608
Bankinnskot kto. 2660.65.03724	1 384 519	2 899 686
Bankinnskot kto. 2801.18.36501	46 280	48 355
Bankinnskot for skattetrekk	57 803	71 725
SUM OMLØPSMIDLAR	1 488 601	3 100 374
EIGENKAPITAL OG GJELD		
Annan eigenkapital 01.01.08	502 041	
Årets overskot	88 255	
Eigenkapital 31.12.08	590 296	502 041
EIGENKAPITAL	590 296	502 041
GJELD		
Levrandørgjeld	72 242	1 915 397
Forskotstrekk	36 117	41 747
Arbeidsgjevaravgift	17 481	17 006
Påløpt arbeidsgjevaravgift av feriepengar	5 987	5 193
Forskot frå kundar	710 000	570 000
Skuldig lønn	-	-
Skuldig feriepengar	56 477	48 990
SUM GJELD	898 305	2 598 333
SUM EIGENKAPITAL OG GJELD	1 488 601	3 100 374

Kviteseid 31.12.08/21.04.2009

The image shows five handwritten signatures in black ink, likely belonging to the board members mentioned in the text above. The signatures are somewhat stylized and overlapping.

Hovedkontor:
Fylkeshuset, 3706 Skien
Tlf.: 35 58 44 07
Fax: 35 58 43 94
e-post: post-tkr@tekomrev.no
www.tekomrev.no

Til
Vest Telemark Tinget

Distriktskontor:
Postboks 83, 3833 Bø
Tlf.: 35 05 90 00
Fax: 35 95 02 15

Foretaksregisteret:
985 867 402 MVA

Vår ref.: 09/733 /vsu

Deres ref.:
Arkivkode: 608000

Revisjonsmelding for 2008

Vi har revidert årsrekneskapen for Vest Telemark Tinget for rekneskapsåret 2008 som syner eit overskot på kr 88 255,-. Årsrekneskapen er samansett av resultatrekneskap og balanse, samt spesifikasjonar for kontordrifta. Rekneskapslovas reglar og god regnskapsskikk i Noreg, er bruka ved utarbeiding av rekneskapen. Årsrekneskapen og årsmeldinga er gjeve av selskapets styre og dagleg leiar.

Vår oppgåve er å uttale oss om årsrekneskapen. Vi har utført revisjonen i samsvar med lov, forskrift og god revisjonsskikk i Noreg, inkludera revisjonsstandardar vedtatt av Den norske Revisorforening. Revisjonsstandardane krev at vi planlegg og utfører revisjonen slik at han gjer oss den tryggleiken vi treng for at årsrekneskapen ikkje inneholder vesentleg feilinformasjon. Revisjon omfattar kontroll av utvalde delar av materialet som ligg til grunn for informasjonen i årsrekneskapen, vurdering av dei rekneskapsprinsipp som er nytta og vesentlege rekneskaps estimat, samt vurdering av innhaldet i og presentasjonen av årsrekneskapen. I den grad det følgjer av god revisjonsskikk, omfattar revisjon og ein gjennomgang av selskapets formuesforvaltning og rekneskaps- og intern kontrollsysten. Vi meiner at vår revisjon gjer eit forsvarleg grunnlag for vår uttale.

Vi meiner at

- årsrekneskapen er lagt fram i samsvar med lov og forskrifter og gir eit uttrykk for Vest-Telemark rådet si økonomiske stilling 31. desember 2008 og for resultatet i rekneskapsåret i samsvar med god kommunal rekneskapskikk i Noreg
- leiinga har oppfylt si plikt til å sørge for ordentleg og oversiktleg registrering og dokumentasjon av rekneskapsopplysningar i samsvar med lov og god kommunal rekneskapskikk i Noreg
- opplysningane i årsmeldinga om årsrekneskapen er konsistente med årsrekneskapen og er i samsvar med lov og forskrifter.

Bø, 23.04.2009
Telemark kommunerevisjon IKS


Finn-Egil Aure
Revisjonssjef

Sak 5/2009 Val av revisor

Sak 5/2009 Val av revisor.

Vest-Telemarkrådet har hatt Vest-Telemark kommunerevisjon, seinare Telemark kommunerevisjon IKS som revisjonsselskap i ei årrekke. Slik også for rekneskapsåret 2008.
Revisjonsarbeidet vert utført etter rekning og det ligg ikkje føre spesielle grunnar for å velje annan revisor.

Forslag til vedtak.

Vest-Telemarkrådet vel Telemark kommunerevisjon IKS som revisor for 2009.

Sak 6/2009 Arbeidsprogrammet 2008 – 2009.

Rapport pr. juni 2009.

Sak 6/2009 Arbeidsprogram for 2008 – 2009, rapport pr. juni 2009.

I tråd med tidlegare vedtak ligg det føre rapport pr. juni 2009 gjeldande arbeidsprogrammet for 2008 – 2009.

Rapporten vart handssama i rådsmøte 19. mai 2009 og vert lagt fram for Tinget for godkjenning.

Forslag til vedtak:

Vest-Telemarktinget godkjenner rådets rapport pr juni 2009 gjeldande arbeidsprogrammet for 2008 – 2009.

Sak 6/2009 Arbeidsprogrammet 2008 – 2009.

Rapport pr. juni 2009.

Rådets rapport pr. juni 2009 - Arbeidsprogram 2008 -2009.

VISJON: VEST-TELEMARK - EIN LEVANDE REGION

Kommunane i Vest-Telemark er kommunar med sær preg, høg kulturprofil og målretta samhandling. Regionen er attraktiv for busetjing, næringsetablering og framvekst av kompetansmiljø. Livet i Vest-Telemark er prega av fokus på løysingar og positive vinklingar.

Mål 1 Oppretthalde folketalet og busetnaden i heile Vest-Telemark

Tiltak:

- Auke dei unge si sjølvkjensle og tilknyting til distriktet, og stimulere til entreprenørskap
- Ha god tilgang til vidaregåande skule, samt etter- og vidareutdanning for innbyggjarane
- Kartlegging av viktige lokaliseringfaktorer for potensielle tilflyttarar
- Vidareføre småbruksprosjektet
- Stimulere til rekruttering av arbeidskraft
- Fylgje opp dei aktuelle tiltaka i næringsplanen og landbruksrapporten

Mål 2 Sterk regional samkjensle og styrka Vest-Telemarkidentitet

Tiltak:

- Stø opp om kulturtiltak som fremjar kjennskap, identitet og samhandling
- Legge til rette for godt regionalt samarbeid, herunder elektronisk kommunikasjon
- Drive aktiv marknadsføring av regionen
- Drive alliansebygging/lobbyverksemnd og kome tidleg inn i dei ulike politiske endringsprosessane

Mål 3 Vidareutvikling og nyetablering av verksemder i Vest-Telemark med grunnlag i distriktets sær preg og lokale ressursar.

Tiltak:

- Fylgje opp dei aktuelle tiltaka i næringsplanen og landbruksrapporten
- Sikre tilgang på eigenkapital
- Stimulere til samordning av marknadsføring av reiselivet i regionen
- Marknadsføre føremonane i regionen
- Leggje til rette for lokal foredling og småskalaproduksjon
- Leggje til rette for etablering av kompetanseverksemder og nettverk
- Styrke samarbeidet mellom regionalt og lokalt næringsapparat.

Mål 4 E 134 og Riksveg 36 held fram som det viktigaste hovudsambandet mellom aust og vest. Utvikle potensialet i Telemarksvegen (riksveg 41), som viktig korridor mot sør og kontinentet. Etablere ny infrastruktur for kommunikasjon.

Tiltak:

- Samarbeid med Haukeligvegen AS, Arbeidsgruppa for E 134/Rv 36, Telemarksvegen
- Vest-Telemark Næringsforum og andre viktige grupperingar
- Arbeide mot sentrale styresmakter, spesielt i høve til Nasjonal Transportplan og vurdere bruken av ressursar
- Fremje tiltak for alternativ finansiering av sentrale investeringsprosjekt
- Arbeide for auka midlar til investeringar og vedlikehald av øvrige riks- og fylkesvegar
- Sikre full utbygging av breiband i regionen
- Arbeide for full dekning innan mobiltsamband og digitalt bakkenett
- Arbeide for realisering av høgfartsbane over Haukelifjell

Rapport:

Mål 1 Oppretthalde folketalet og busetnaden i heile Vest-Telemark.

Auke dei unge si sjølvkjensle og tilknyting til distriktet, og stimulere til entreprenørskap.

Entreprenørskapsprosjektet.

Elisabeth Lid sitt engasjement som lokal prosjektleiar vart avslutta 31. desember 2008 og ansvaret for det vidare arbeidet ligg no til den enkelte kommune.

Bakgrunnen for satsinga har vore ynskjet om å skape ein kultur for innovasjon og entreprenørskap, der dei unge ser moglegheiter, viser pågangsmot og utviklar grunderkompetanse gjennom ulike tiltak i og utanfor skulen.

På fylkesplan er Ungt Entreprenørskap Telemark engasjert i ein 3-årsperiode som Telemark sin operatør innafor satsinga på entreprenørskap i utdanninga. Kommunar, regionar, organisasjonar og privat sektor er invitert til å delta i denne satsinga.

Ha god tilgang til vidaregåande skule, samt etter- og vidareutdanning for innbyggjarane.

Vest-Telemark Vidaregåande Skule.

Skulen tilbyr vidaregåande utdanning innan almenfag, helse- og sosialfag og teknikk og industriell produksjon. Ein har for tida 170 elevar innan desse faga og det er 48 personar tilsett ved skulen.

Vest-Telemark Vidaregåande skule har også førarkortopplæring på skulen der dei 2 lokale köyreskulane er involvert. Skulen er tillagt regionansvaret for opplæring på snøskuter og har regionavtale med Statkraft om etterutdanning innafor dette feltet. Skulen har ei tid hatt opplegg for undervisning av innsette ved soningsleiren i Fyresdal.

I tillegg organiserer Vest-Telemark Ressurssenter eit vaksenutdanningstilbod der ein no har 20 elevar. Dette er eit samarbeid mellom skulen, fylkesmannen, fylkeskommunen, NAV og dei enkelte kommunane.

Skulen har også eit tilbod til vaksne om utdanning som helsefagarbeidar eller som barne- og ungdomsarbeidar over 2 år. Utdanningsopplegget er fleksibelt og dekker fleire utdanningar. Vidare finst det eit nytt opplegg gjeldande norskopplæring for folk i arbeid der 8 ulike nasjonalitetar er representert.

Det er også sett i gang eit nytt opplegg på kveldstid med tanke på å opparbeide studiekompetanse over 2 år. Spesielt for dette opplegget er at deltakarane kan starte når som helst i skuleåret og få nemnde kompetanse etter 2 år frå oppstartdato.

Ressurssenteret administrerer også eit nasjonalt energinettverk for grunnskular og vidaregåande skular, satsinga på undervisning i polar-året samt eit kompetansesenter for fornybar energi. I tillegg står ressursenteret som arrangør av Vest-Telemarkkonferansen. Ein samarbeider med Bygdelivsmeklaren (Vest-Telemark Næringsutvikling) og Rekrutteringsprosjektet (Vest-Telemark Næringsforum) med tanke på å utvide yrkesmessa til jobbmesse.

Bø Vidaregåande Skule, avd Seljord.

Skulen har for tida 94 elevar og tilbyr vidaregåande utdanning innan restaurant- og matfag og medie- og kommunikasjonsfag. Skulen har også eit tilbod innan opplæring i mindre grupper (OIMG). For komande skuleår vert i tillegg vg3 påbygging til generell studiekompetanse flytta frå Bø til Seljord.

Fyresdal vidaregåande Steinerskule.

Skulen vart starta opp i 2003 og har i dag line for naturbruk med fokus på natur, kultur og økologisk landbruk samt line for bygg og anlegg med vekt på økologisk byggeteknikk.

Desse linene har i alt 15 elevar. Ein har i tillegg eit 2-årig masterstudium med 40 studentar. Skulen har også godkjenning for studium i almenfag, men dette er så langt ikkje starta opp. Det vert arbeidd med å omorganisere skulen som stifting og ein ynskjer ei utvikling i retning utdanningscenter.

Kvitsund Gymnas

Kvitsund Gymnas har inneverande år 190 elevar og tilbyr utdanningsprogrammet for studiespesialisering (tidl.almenfag). Det er svært mange elevar som søker seg til Kvitsund Gymnas og det har i seinare år vore ein betydeleg byggeaktivitet ved skulen

Høgskolen i Telemark, avd. Rauland,

Avdelingen har til ei kvar tid om lag 100 studentar. Ein tilbyr både årsstudium og fordjupning innanfor faga folkekunst, tre, metall, tekstil og folkemusikk. I tillegg tilbyr ein deltidsstudium i tradisjonsmat, deltidsstudium i kreativ maskinstriking samt masterstudium i tradisjonskunst.

Seljord Folkehøgskole

Skulen har for tida 73 elevar fordelt på fylgjande 7 liner: Friluftsliv, Multisport, Musikk, Musical, Singasongwriter, Tekstildesign og Biletkunst. Elevane kjem frå ulike kantar av landet.

Attføringsstilboda i regionen.

Seljord Personal AS:

Stifta i 2001 og fullt ut eigd av Seljord kommune. Har APS og AB-plassar. Leverer tenester til næringslivet og offentleg sektor. Hovudomsetninga er mot NAV.

Vi TO Kompetanse AS:

Etablert i 2003. Tokke kommune eig 70% av aksjane medan Vinje kommune eig 30%. Utvikla seg frå å vera ein såpeprodusent til ein attføringsbedrift med breidt tilbod. 60% av inntektene kjem frå NAV medan 40% kjem frå produksjon. Verksemda har 10 APS plassar, 3 AB-plassar og 3 "fase 3" plassar. Har og tilbod om plassar direkte til kommunen. Har planar om nybygg på Dalen.

Telemark Lys AS:

Etablert i 1993 og hadde sitt utspring i Seljord Lys. Er 100 % eigd av Fyresdal kommune. Har ein produksjon av pulkar som syner ein positiv utvikling. Produserer og kakeformer i plast. Produksjonen utgjer om lag 50% av omsetnaden og 50% frå NAV. Har 5 "fase 3" plassar. Usikkerhet rundt AB og APS-plassane. Helseprosjektet er det viktigaste prosjektet reint økonomisk. Her er det permanent inne 10 personar. Har eit dysleksiprosjekt og har hatt ansvar for flyktningmottaket i Fyresdal.

Vinje Vekst AS:

Etablert i 1994. Verksemda er 80 % eigd av Vinje kommune og 20 % eigd av Tokke. Omset for om lag 5 mill der 3 mill kjem frå NAV og 2 mill frå eigen produksjon. Verksemda har berre VTA plassar. Har samarbeid med Vi TO kompetanse.

Kviteseid Arbeidssamvirke AS:

Etablert i 1992. Kviteeid kommune eig det alt vesentlege av aksjane, men Nissedal kommune og private har ein liten andel. 28 brukarar totalt. Har 5 VTA plassar i Nissedal og sel VTA plassar til Kviteeid og Seljord kommunar. Var i utgangspunktet ein VTA bedrift med fokus på produksjon. Har lakking i Nissedal og treproduksjon i Kviteeid. Har og ein bruktbutikk i Kviteeid. Verksemda eig sjølv bygga der dei driv.

Dei 5 attføringsbedriftene er no inne i ein prosess med tanke på vidare framtidig samarbeid.

Kartlegging av viktige lokaliseringsfaktorer for potensielle tilflyttarar.

Prosjektet "Vi snur vinden – fleire folk til Vest-Telemark" er meir eit handlingsprosjekt enn eit reint kartleggingsprosjekt og inneber aktiv marknadsføring og oppfylgjing av moglege tilflyttarar.

Vest-Telemark Næringsutvikling har frå 1. april 2007 engasjert Emilie Asplin som prosjektleiar i full stilling over ein 3-årsperiode for å få auka tilflytting til regionen. Prosjektet er i rute i høve til prosjektplanen. Prosjektleiar har skaffa seg eit stort nettverk i regionen og det er gjennomført omfattande intern profilering. Det er så langt arrangert Vest-Telemarktreff på Smuget i Oslo 2 gonger, siste gongen i mai inneverande år. Arrangementa har hatt god oppslutning.

I desember 2008 vart det arrangert juletreff i Oslo med spesiell fokus på småbornfamiliar. Prosjektet har til no retta seg mot om lag 500 personar/familiar og har ei portefølje på 80 personar/familiar.

Småbruksprosjektet.

Marknadsføringa av småbruk til leige og sal skjer gjennom småbrukssidene på Vest-Telemarkportalen, og det er Bygdelivsmeklaren som no står for denne tenesten.

Stimulere til rekruttering av arbeidskraft.

Rekrutteringsprosjektet i regi av strategisk næringsplan har gjennomført 2 av 3 prosjektår. Prosjektet blir leia av Vest-Telemark Næringsforum. Hovudmålet med prosjektet er å fremje Vest-Telemark som ein bu- og arbeidsmarknadsregion. Tiltaket er iverksett med utgangspunkt i at mange verksemder og kommunar har hatt problem med å skaffe nok kvalifisert arbeidskraft. NAV har ei nøkkelrolle i prosjektet. Det er etablert faste møtepunkt med marknadsnettverket i til NAV i Vest-Telemark, der ein 6-8 gonger årleg i prosjektpérioden går gjennom arbeidskraftbehovet til 50-60 nøkkelverksemder i regionen. I tillegg har alle registrerte verksemder fått brev om prosjektet med tilbod om bistand, og vil få dette på nytt i 2009.

I tillegg til konkret arbeid med rekruttering av arbeidskraft til kommunar og verksemder, har prosjektet koordinert to marknadsføringskampanjer for ein felles jobbmarknad i Vest-Telemark. I desse vart både offentlege og private jobbar frå heile regionen gjort synlege. For ytterlegare synleggjering av arbeidsmarknaden i regionen er det etablert eit samarbeid med Yrkesmessa på Vest-Telemark Vidaregåande skule. Ei utvida jobb- og yrkesmesse vart arrangert 5. februar, og ein er einige om å halde fram med samarbeidet også i 2010.

I samarbeid med Bygdelivsmeklaren har prosjektet også vore arrangør av Vest-Telemark treff i Oslo, som vart arrangert 7. mai 09. Fokus her var moglegheitar for jobb i regionen. Ei rekke kommunar og verksemder syntre fram sine moglegheitar på stands. Dette, saman med eit innhaldsrikt sceneprogram, danna grunnlaget for ei offensiv marknadsføring av regionens arbeidsmarknad for potensielle heimflyttarar.

Det er også lagt til rette for utanlands jobbrekruttering gjennom NAV Eures systemet.

Konkret representerte prosjektet ca 10 verksemder og kommunar i eit rekrutteringsframstøyt på Island i slutten av februar 2009. Ein fekk fin lærdom kring utanlands rekruttering, og ei av verksemdene som deltok fekk tilsett arbeidskraft på staden. Det er lagt opp til ny runde mot Sverige med tanke på rekruttering til offentleg sektor. Tiltaket kjem på bakgrunn av ei behovsanalyse som vart gjort i samband med at prosjektet vitja administrasjon og politisk leiing i alle Vest-Telemark kommunane i januar/februar 2009.

Generelt har behovet for arbeidskraft i Vest-Telemark endra seg som resultat av finanskrisa. Det er ikkje lenger eit generelt problem med mangel på arbeidskraft, men mange verksemder og kommunar manglar framleis nøkkelkompetanse. Prosjektet vil rette innsatsen mot desse i resten av prosjektpersonen, og arbeide saman med bygdelivsmeklaren for å få fram Vest-Telemark som ein bu- og arbeidsmarknadsregion.

Fylgje opp dei aktuelle tiltaka i næringsplanen.

Prosjektet "Framtidsretta utvikling i landbruket i Vest-Telemark" er no avslutta og det ligg føre sluttrapport for dette. Av rapporten går det mellom anna fram at satsing på landbruk er ein viktig del av det å utvikle regionen som felles bu-, arbeids- og opplevingsplass, og at næringsutvikling på garden vil vera ein viktig strategi for å ivareta Vest-Telemark og Telemark sin identitet.

Informasjon om Vest-Telemark som den gode plass for busetting, arbeid og opplevelingar.
Ole Dalen i Vest-Telemark Næringsutvikling er leiar for prosjektet.

Hovudmålet er å styrke omdømet for Vest-Telemark som den gode plass for busetting, arbeid og opplevelingar. Prosjektet har effektmål som inneber:

- auka kjennskap til Vest-Telemark som region
- auka attraktivitet ved å stå fram som felles bu- og arbeidsregion
- kommuneleedinga står fram med optimisme og begeistring
- auka begeistring for regionen

Prosjektleiar har hatt eit nært samarbeid i høve til prosjekta "vi snur vinden", reiselivsprosjektet og rekrutteringsprosjektet (dei to siste er ein del av strategisk næringsplan). For å få ei god utnytting av ressursane har prosjektet køyrt ei forprosjektfase som vert avslutta 1. juni i år. Ein del av arbeidet har vore å skape ein felles visuell identitet som alle kommunane kan samle seg rundt. Rapport frå forprosjektet vil være klar i medio juni, og mykje tyder på at hovudprosjektet vil verta meir spissa mot merkevarebygging og samla profilering av Vest-Telemark.

Bedriftsstyre med kompetanse og aktivitet

Prosjektet starta opp hausten 2007. Det er til no arrangert to kursrundar i styrekompetanse med til saman 45 deltakarar frå både privat og offentleg sektor. Det vil bli arrangert ein runde til hausten 2009. Det er utarbeidd systematikk for ein styrekandidatbase for Vest-Telemark som både private og offentlege verksemder kan nytte i sitt rekrutteringsarbeid. Basen vil i fyrste omgang leggast ut som ein del av heimesidene til Vest-Telemark Næringsforum, med mogleg linking til andre heimesider. Det er naturleg å sjå ein framtidig base under eitt, i ei samla web-løysing for regionen.

Vest-Telemark Næringsforum er ansvarleg for gjennomføring av prosjektet.

Mål 2 Sterk regional samkjensle og styrka Vest-Telemarkidentitet

Stø opp om kulturtiltak som fremjar kjennskap, identitet og samhandling.

Vest-Telemarkkonferansen er ein samlingsplass for politikarar, privat næringsliv, offentleg tilsette og organisasjonar og har vore eit årvisst innslag dei 6 siste åra. Tema til no har vore: "Regionalt samarbeid eller kommunesamanslåing", "Regional næringsutvikling", "Ny energi til Vest-Telemark", "Vest-Telemark som merkevare", "Kor skal byen ligge ?"og no i 2009: "Er skulen i Vest-Telemark konkurransedyktig ?".

Landskonferansen for regionråd er ein årleg møtestad for politikarar og administrasjon i kommunar, regionråd, fylkeskommunar, interkommunale selskap/samarbeidsorgan, fylkesmenn, KS og departement. Vest-Telemarkrådet skal stå som arrangør av komande konferanse og denne skal finne stad i Vrådal 24. – 25. august 2009. Tema denne gongen er mellom anna kommunestruktur, arealforvaltning og regionråda si rolle.

Sogelandet vart etablert i 2005 og er namnet på ei rekke kulturarrangement i kommunane Fyresdal, Hjartdal, Kviteseid, Nissedal, Seljord, Tinn, Tokke og Vinje.

Det er løyvd midlar til prosjektet frå Telemark fylkeskommune og frå Fellesfondet over ein periode på 3 år. Sogelandet er frå 2008 organisert som eit samvirke og det er tilsett dagleg leiar. Det er utarbeidd intensjonsavtale mellom Sogelandet SA, Telemark fylkeskommune og kommunane i Vest-Telemark, Tinn og Hjartdal. Avtala set som føresetnad at Sogelandet får status som nasjonal knutepunktdestinasjon og krev at Staten bidreg med 1,5 mill kroner årleg medan Telemark fylkeskommune og nemnde kommunar går inn med kvar sine 500 000 kroner pr år. Det vert arbeidd med å vidareutvikle Sogelandet som samarbeidsorgan ikkje berre på framføring av spel men også i andre samanhengar.

SkiTelemarklauget bidreg til å rekruttere unge skiløparar og til å profilere regionen gjennom telemarksporten. Sekretariatet er plassert på Norsk Skieventyr i Morgedal. SkiTelemarklauget har vore initiativtakar og medspelar i samband med World Cup i telemarkskøyring på Rjukan frå 2004 og fram til i dag. Vidare vert det arrangert årvisse skidagar i Morgedal for skulane i regionen. Ein legg frå i år opp til å arrangere ein konferanse, "Telemarknedslaget", som er tenkt å vera eit årleg nærings- utdannings- og kulturforum der politikarar, næringsinteresser, utøvarar/arrangørar av telemarksporten og samarbeidspartnerar elles set Telemarksporten og namnet Telemark i fokus.

Morgedalsprosjektet, pilgrimstaden for skihistorie nyttar merkenamnet Morgedal for å skape grunnlag for ny næringsverksemrd i regionen. Ein har snart 2,5 år bak seg innan kulturbasert næringsutvikling med basis i Morgedals historie, og søker om å forlenge prosjektet eitt år. Ein tek sikte på å kvalifisere seg som kandidat til større nasjonale midlar, og ynskjer å gjera Morgedal til "det mest attraktive reisemål i verda for den skiinteresserte pilgrimsturisten". I tillegg til Rjukan og Bjarli er Morgedal no inne som ein del av Worldcup- opplegget med innlagte arrangement.

Det er også utvikla eit vinterarrangement, Morgedalsleikane, som er tenkt halde årleg. Arrangementet vil ha fokus på telemarksporten og vil såleis bli ein arena for kultur og identitet.

Legge til rette for godt regionalt samarbeid, herunder elektronisk kommunikasjon.

Vest-Telemarkrådet er regionråd for kommunane: Fyresdal, Hjartdal, Kviteseid, Nissedal, Seljord, Tokke og Vinje.

Regionrådet er eit samarbeidsorgan for dei deltagande kommunane på alle område og alle plan og skal løyse felles spørsmål og oppgåver for dei deltagande kommunane. Tinget er det øvste organet og er samansett av ordførar, varaordførar, eitt anna kommunestyremedlem og rådmannen i dei deltagande kommunane. Ordførarane i kommunane utgjer Rådet og står for den daglege drifta i lag med sekretariatet. Etter vedtak i kommunestyret har Hjartdal meldt seg inn i Kongsbergregionen og går ut av Vest-Telemarkrådet med verknad frå 5. august 2009.

Fellesfondet har gjennom mange år vore felles organ for kommunane Fyresdal, Hjartdal, Kviteseid, Nissedal, Seljord, Tinn, Tokke og Vinje. Oppgåva til fondet har vore å forvalte delar av dei årlege konsesjonskraftmidlane frå utbyggingane i dei 8 kommunane.

Fellesfondet har såleis grunfinansiert Vest-Telemark samarbeidet pluss Tinn. Midlane har vore nytta til å delfinansiere interkommunale samarbeidsordningar, og private investeringsprosjekt med klar interesse for fleire kommunar.

I samband med fornying av konsesjonskraftavtalene vil Fellesfondet opphøre 1. januar 2011 og seinare konsesjonskraftinntekter vil bli overført Telemark Utviklingsfond og ha heile Telemark som verkeområde.

Vest-Telemark Næringsutvikling AS (VTNU) har kontor i Kviteseid, og har som føremål å styrke og vidareutvikle næringslivet i Vest-Telemark. Dette skal skje ved å yte bedriftsrådgjevingstenester, ta initiativ til og gjennomføre bedriftsretta prosjekt, regionale utviklingsprosjekt og oppgåver av næringspolitisk karakter. Samarbeidsprosjekt på tvers av kommunegrensene skal prioriterast. Som regionalt utviklingsselskap vil ein ha eit særleg ansvar for å fremja regionen sine interesser. Dette gjeld på det næringspolitiske området, men og med tanke på å gje næringslivet best moglege rammevilkår å arbeide under. Selskapet har i dag 8 tilsette.

Vest-Telemark Næringsbygg AS (VTN) med kontor i Kviteseid, som har som føremål, i samråd med andre aktørar, å styrke og vidareutvikle næringslivet i Vest-Telemark, Drangedal og Hjartdal. Dette skal skje ved å ta del i ulike typer næringsbygg, selskap og verksemder. Viktig fokus er å legge til rette for næringsetablering gjennom å tilby rimelege og attraktive utleigebygg. Selskapet eig i dag 10 bygg i 5 kommunar.

Gab- og kartsamarbeidet inneber at det lovpålagte vedlikehaldet av GAB-data no skjer regelmessig via felles server. GAB-registra blir no avløyst av den såkalla matrikkelen som også er ei felles løysing. Samarbeidet er på mange måtar eit utviklingsprosjekt der nytten kjem gradvis og over tid. Kartløysinga er også integrert i sak/arkiv prosjektet og kan nyttast av publikum i samband med elektroniske byggesøknader. Kartløysinga er elles ei generell løysing i fyrste rekke for at publikum (innbyggjarar og hyttefolk) kan ha tilgang til detaljerte, lokale kart.

Samarbeidet går nå inn i ei ny fase med vekt på god integrasjon og dataflyt mellom dei ulike systema i kommunen, noko som gjer det mulig med sikrare og meir effektivt arbeid både for eigne tilsette og andre som er brukarar av kartdata. I samarbeid mellom anna med Statens Kartverk skal alle reguleringsplanar digitaliserast og gjerast tilgjengelege.

Sak- arkiv prosjektet inneber eit sentralisert postmottak i kvar kommune og elektronisk dokumentflyt i sakshandsaminga. Sak/arkiv er i drift og ei stor og krevande opplæring er fullført. Bruk av elektroniske skjema har vore ein del av prosjektet. Prosjektet er no fullført.

Profil. Nytt IT-system for pleie/omsorg er teke delvis i bruk i alle 6 Vest-Telemarkommunane i dag. Eit omfattande opplæringsprogram er sett i verk innan sjukeheimar og heimetenestene. I vidare arbeid har styringsgruppa no prioritert innføring av ny teknologi i heimesjukepleia, med bruk av små datamaskinar for kommunikasjon og dataregistrering (såkalla PDA-ar).

Turnusplanlegging er eit nytt samarbeidsprosjekt for 6 kommunar. Målet er betre oversikt og god ressursutnytting. I fyrste omgang blir systemet teke i bruk innafor pleie/omsorg, men systemet kan også nyttast innanfor andre område i kommunane der ein har vaktordningar. Prosjektet er i hovudsak ferdig gjennomført innafor pleie/omsorg. Vidare plan er å bruke systemet aktivt i budsjettprosessen i kommunane (sikrare grunnlagsdata) og å introdusere systemet og bruken i forhold til andre områder i kommunane enn pleie/omsorg. Dette blir då i samarbeid med rådmennene.

Drive aktiv marknadsføring av regionen

Vest-Telemarkportalen er namnet på felles nettportal for kommunane: Fyresdal, Hjartdal, Kviteseid, Nissedal, Seljord, Tokke og Vinje.

Nettadressa er www.Vest-Telemark.no. Her finn ein til ei kvar tid oppdatert kulturkalender, ledige stillingar, oversikt over ledige småbruk og nyhetsoppslag frå regionen. Det er tilknytt nyttelege linkar om næringsutvikling, innovasjon Norge, vidaregåande skular, media, kollektive transportmiddel osb.

Kvar enkelt kommune har direkte tilknytning til portalen med sine heimesider der ein finn god og nyttig informasjon.

Drive alliansebygging/lobbyverksemnd og kome tidleg inn i dei ulike politiske endringsprosessane

Dette er eit omfattande "fagområde" der det til ei kvar tid foregår dialog på dei ulike politiske og administrative nivå. Ein har i regionen både formell og uformell kontakt med stortings- og fylkestingspolitikarar, med administrative leiarar og med representantar frå ulike organisasjonar og fagområde.

Kommunane og kommuneregionane er høyringsinstansar innafor mange ulike område og kjem kvart år med uttaler til ulike endringsforslag innafor den offentlege forvaltninga. Vest-Telemarkrådet har styrka sin posisjon som felles talerøy for regionen, og har også samarbeid med andre regionar.

Mål 3 Vidareutvikling og nyetablering av verksemder i Vest-Telemark med grunnlag i distriktets sær preg og lokale ressursar.

Sikre tilgang på eigenkapital

Oppretting av eit såkornfond for regionen var oppe til drøfting i Vest-Telemarkrådet. Ei arbeidsgruppe arbeidde med saken og det vart laga eit utgreiingsdokument og ein forretningsplan som grunnlag for vidare politisk arbeid. Det vart likevel frå sentralt hald sagt nei til å yte statlege midlar til eit slikt fond og arbeidet vart såleis lagt till sides..

Stimulere til samordning av marknadsføring av reiselivet i regionen

Felles turistbrosyre for kommunane Fyresdal, Kviteseid, Nissedal, Seljord, Tokke og Vinje er gjeve ut årleg dei seinare åra. God informasjon om Vest-Telemark bidreg til at turistane oppheld seg lenger i regionen og deltek i ulike aktivitetar på tvers av kommunegrensene.

Legge til rette for etablering av kompetanseverksemder og nettverk

Etablerertenesten i regionen er lagt til Vest-Telemark Næringsutvikling i Kviteseid. Tenesten gjev rettleiing i samband med etablering av ny verksemd. Det vert gjeve informasjon om korleis ein etablerer ny verksemd, kva som finst av stønadsordningar, kva selskapsform som er aktuell, kva som trengst av mogleg naudsynt autorisasjon osh. I 2008 var det 86 etablererar som gjorde seg nytte av desse tenestene.

I tillegg har fleire av kommunane rådgjeving lokalt. Den regionale etablerertenesten i Vest-Telemark blir finansiert av Telemark fylkeskommune/Innovasjon Norge, Fellesfondet og NAV. Administrativ rapportering går via Innovasjon Norge.

Kulturlandskapssenteret i Telemark ligg i Hjartdal og er ein møtestad og eit nettverk for kunnskap og arbeid med kulturlandskap i kommunane. Visjonen er å fremme miljøverdiar knytt til aktivt landbruk og vise kva for moglegheiter som ligg i å nytte kulturlandskapet som grunnlag for verdiskaping og felles innsats i bygdesamfunna.

Styrke samarbeidet mellom regionalt og lokalt næringsapparat.

Eitt av tiltaka i næringsplanen går på vitalisering av næringsapparatet. Telemarkforsking har utarbeidd ein rapport om korleis næringsapparatet i regionen kan vitaliserast og korleis ein kan styrke samarbeidet mellom lokalt og regionalt næringsapparat. Rapporten vart handsama i Vest-Telemarkrådet og i dei fleste kommunane. Konklusjonen frå kommunehøyringa var at ein ikkje ynskte overføring av kommunale personalressursar til regionalt nivå, men at ein ynskte eit sterkare samarbeid innan regionen, og med koordinering gjennom VTNU. Dette koordineringsansvaret har VTNU teke på seg og vil i tida som kjem vidareutvikle samarbeidet om næringsutvikling i Vest-Telemark.

Mål 4 E 134 og Riksveg 36 held fram som det viktigaste hovudsambandet mellom aust og vest. Utvikle potensiale i Telemarksvegen (riksveg 41), som viktig korridor mot sør og kontinentet. Etablere ny infrastruktur for kommunikasjon.

Samarbeid med Haukelivegen AS, Arbeidsgruppa for E 134/Rv 36, Telemarksvegen, Vest-Telemark Næringsforum og andre viktige grupperingar.

Vest-Telemarkrådet samarbeider med ei rekke grupperingar når det gjeld infrastruktur:

AS Haukelivegen er ein interesseorganisasjon som arbeider for utbygging og standardheving av E 134 og viktige sidegreiner til denne. I styret for selskapet sit representantar frå kommunane langs vegen samt dei 3 fylkeskommunane. Selskapet spelar ei aktiv rolle i høve til planlegging og påverknad på så vel politisk som administrativt plan.

Arbeidsgruppa for E 134/Rv 36 er samansett av representantar frå regionane og Telemark fylkeskommune. Gruppa vart danna i 2000 og har som føremål å påverke planlegging og finansiering av konkrete utbyggingsprosjekt på E 134 og Rv 36 i Telemark. Arbeidsgruppa har mellom anna arbeidd aktivt for å få til utbygging av delstrekningar på E 134 og Rv 36 ved hjelp av bompengefinansiering.

Rv 41 Telemarksvegen er eit samarbeid mellom dei 6 kommunane langs Rv 4. Viktige arbeidsoppgåver for gruppa er å legge til rette for Rv 41 som opplevingsveg. Det vert arbeidd med å få til ei gjennomgåande sykkelrute frå Kristiansand til Vrådal. Delar av denne går på nedlagte jernbanetraser mellom Åmli og Treungen.

I samband med regionreformen har Rv 41 fått riksvegstatus og vil såleis fortsatt vera staten sitt ansvar. Det er nyleg valt ei arbeidsgruppe i vår region som skal organisere tiltak på Rv 41 for å utvikle denne som korridor mot sør og kontinentet.

Vest-Telemark Næringsforum er ei næringspolitisk medlemsforeining og ein møteplass for å fremje kompetanse og nettverksbygging mellom dei private verksemndene i Vest-Telemark. Foreininga har i dag omlag 100 medlemmer innan enkeltmannsføretak, verksemder/selskap, rådgivningsmiljø, forskning, bankar og organisasjonar i Vest-Telemark. Verksemda fungerar som talerør for næringslivet i regionen, og har mellom anna engasjert seg i å styrke samarbeidet i regionen, samferdselsspørsmål, kapitaltilgang m.m.

Arbeide mot sentrale styresmakter spesielt i høve til Nasjonal Transportplan og vurdere bruken av ressursar.

Forslag til nasjonal Transportplan 2010 – 2019 vart lagt fram for Stortinget 13. mars 2009. For Telemark inneheld NTP 2010 – 2019 fleire viktige prosjekt og legg føringar for framtidig utbygging. Århus – Gvammen startar opp som statleg finansiert prosjekt i fyrste del av planperioden med fullføring i siste del. Det same gjer gjennomføringa av E 134 gjennom Kongsvinger. Det er lagt føringar for nye tunnellar på Haukelifjell og forbi Røldal i andre del av planperioden, og det same gjeld utbetring langs Stordalsvatnet i Etne. I andre del av planperioden kjem også tunnel under Boknafjorden (Rogfast) under føresetnad av delvis bompengefinansiering.

Det ligg såleis an til å bli realisert fleire store prosjekt både i og utanfor Telemark, og fylket vårt har fått god utteljing etter intern semje, godt informasjonsarbeid og solid påverknadsarbeid utført av ei rekke personar/organisasjonar.

Fremje tiltak for alternativ finansiering av sentrale investeringsprosjekt.

Brukarfinsiasering av 3 delstrekningar på E134 og Rv36.

Det er løyvd midlar frå Vest-Telemark, Midt-Telemark og AS Haukelivegen til planleggingarbeid i høve til mogleg brukarfinsiasering av dei 3 delparsellane:

Åmot – Seljord på E 134, Gvarv – Slåttekåstunnelen på Rv 36 og Seljord – Sjørmparten på Rv 36. Planarbeidet er starta opp, og det er Statens vegvesen som står for dette. Arbeidet vil, etter at ein er gjennom dei naudsynte politiske prosessane, danne grunnlaget for endelege forslag til bompengesvedtak. Stortinget har den endelege godkjenninga i slike saker men er ikkje avhengig av Nasjonal Transportplan sidan det er tale om 100 % bompengefinansiering.

Bompengeselskap.

Telemark fylkeskommune, saman med kommunane Nome, Sauherad, Bø, Seljord, Kviteseid, Tokke, Vinje og Hjartdal har gjort formelle vedtak om å opprette eit bompengeselskap for finansiering av utbyggingsprosjekt på E134 og Rv36 i Telemark. Selskapet har namnet "E 134 og Rv 36 Telemark AS" og har forretningsadresse i Skien.

Sikre full utbygging av breiband i regionen.

Det er investert meir enn 30 millionar kroner i breibandutbygging i regionen dei siste åra i form av RDA-midlar og innsats frå dei ulike kraftlaga. I tillegg har ein fått 2,5 millionar kroner i HØYKOM-midlar frå Staten. Desse midlane er no nytta som planlagt og ein er i hovudsak ferdig med arbeidet. Sluttføring av breibandutbygginga skjer samordna i regi av Telemark fylkeskommune. Det har kome ny løying frå HØYKOM og frå KRD med føresetnad at ein får plass også den lokale finansieringa. Med unntak av Hjartdal vil denne utbygginga vera fullført i løpet av 2008. For Hjartdal vil ein også måtte nytte første halvår 2009. Målet for utbygginga er 100 % dekning til fastbuande i regionen. I tillegg har ein fått med utbygging fram til mange hytteområde.

Arbeide for full dekning innan mobilsamband og digitalt bakkenett.

I samarbeid med fylkeskommunen og andre kommunar i Telemark har Vest-Telemark Næringsutvikling arbeidd med å kartlegge område med därleg mobildekning. Det viser seg å vera liten kommersiell interesse for utbygging, og ein vil no prøve ut alternative modellar.

Arbeide for realisering av høgfartsbane over Haukelifjell.

Selskapet Norsk Bane AS har vore ein pionér innan arbeidet med høgfartsbane i Noreg og arbeider for realisering av Haukelibanen.

I ei fersk utgreiing slår Deutsche Bahn fast at høgfartsbane over Haukelifjell har større samfunnsnytte enn tidlegare påvist og at denne har best lønsemrd av dei alternativa som er utgreidd. Dette vert no spela inn i samband med handsaminga av NTP i Stortinget.

**Sak 7/2009 Val av regionvaraordførar for perioden
august – desember 2009**

**Sak 7/2009 Val av regionvaraordførar for perioden
august – desember 2009.**

I brev av 5. august 2008 sa Hjartdal kommune opp sitt medlemsskap i Vest-Telemarkrådet på bakgrunn av at Hjartdal då var teke opp som medlem av Kongsbergregionen.

I tråd med vedtekten gjeld såleis Hjartdal sitt medlemsskap i Vest-Telemarkrådet fram til 5. august 2009.

Vest-Telemarkrådet gjorde i møte 19. august 2008 følgjande vedtak:

"Vest-Telemarkrådet tek oppseinga frå Hjartdal kommune til vitande. Rådet vil ha ein nærrare gjennomgang av dei ulike samarbeidsområda/prosjekta der Hjartdal kommune er involvert."

I møte i Vest-Telemarktinget 6. desember 2007 vart Olav Tho vald til regionvaraordførar for perioden 2008 – 2009. Formelt må det derfor veljast regionvaraordførar for perioden august – desember 2009.

Forslag til vedtak.

Som regionvaraordførar for perioden august – desember 2009 veljast Anne-Nora Oma Dahle.

Oversikt leiarar av regionrådet 1994 – 2009.

<u>Periode</u>	<u>Leiar</u>	<u>Nestleiar</u>
1994 – 1995	Inge Fjalestad, Kviteseid	Kari Kile, Fyresdal
1996 – 1997	Birger Nygård, Tokke	Kari Kile, Fyresdal
1998 -1999	Øyvind Tveit, Nissedal	John Kleivstaul, Seljord
2000 - 2001	Øyvind Tveit, Nissedal	Børre Rønningen, Vinje
2002	Edvard Mæland, Seljord	Børre Rønningen, Vinje
2003	Edvard Mæland, Seljord	Karin Maria Larsen, Kviteseid
2004 – 2005	Saamund Gjersund, Fyresdal	Arne Vinje, Vinje
2006 – 2007	Arne Vinje, Vinje	Olav Urbø, Tokke
2008 - 2009	Olav Urbø, Tokke	Olav Tho, Hjartdal
2010 - 2011		

Valnemnda for Vest-Telemarktinget.

Til møtet i Vest-Telemarktinget 6. desember 2007.

Forslag til val av regionordførar og regionvaraordførar for perioden 2008 – 2009, forslag til godtgjersle- samt forslag til ny valnemnd.

I møte i Vest-Telemarktinget 12. desember 2005 vart underskrevne, Øyvind Tveit Nissedal, Olav Bjørn Bakken Tokke og Hilde Martini Momrak Fyresdal valde til valnemnd for perioden 2006 -2007 med Øyvind Tveit som leiar.

Valnemnda har fylgjande framlegg til val under sakene 13/2007 og 14/2007 på møtet i Vest-Telemarktinget 6. desember 2007:

*Regionordførar for perioden 2008 – 2009 : Olav Urbø, Tokke
Regionvaraordførar for perioden 2008 - 2009 : Olav Tho, Hjartdal*

*Godtgjersle regionordførar : kr. 25 000,- pr år
Godtgjersle regionvaraordførar: kr. 5 000,- pr. år*

Valnemnd for perioden 2008 – 2009:

Solveig S. Abrahamsen, Seljord (leiar), Olav Bjørn Bakken Tokke, Øyvind Tveit Nissedal.

Vest-Telemark 26. november 2007

Øyvind Tveit (leiar)
(sign)

Olav Bjørn Bakken
(sign)

Hilde Martini Momrak
(sign)

**Sak 8/2009 Godkjenning av vedtektsendringar i samband med
Hjartdal kommune sin utgang av Vest-Telemarkrådet**

Sak 8/2009 Godkjenning av vedtektsendringar i samband med Hjartdal kommune sin utgang frå Vest-Telemarkrådet.

I brev av 5. august 2008 sa Hjartdal kommune opp sitt medlemsskap i Vest-Telemarkrådet på bakgrunn av at Hjartdal då var teke opp som medlem av Kongsbergregionen.

I tråd med vedtektena gjeld såleis Hjartdal sitt medlemsskap i Vest-Telemarkrådet fram til 5. august 2009.

Sidan antal kommunar i Vest-Telemarkrådet vert endra frå nemnde dato, er det trong for å endre vedtektena i tråd med dette. Som vedlegg til saken ligg derfor forslag til korrigerte vedtekter.

Forslag til vedtak.

Vest-Telemarktinget godkjenner det framlagte forslaget til korrigerte vedtekter gjeldande frå 5. august 2009.

Vedtekter for Vest-Telemarkrådet (Frå aug. 2009)

Kapittel 1: Formål, medlemskap og vedtekter.

§ 1. Geografisk omfang.

Vest-Telemarkrådet er eit regionalt organ der kommunane Fyresdal, Kviteseid, Nissedal, Seljord, Tokke og Vinje er med.

§ 2. Formål.

Vest-Telemarkrådet skal vere eit samarbeidsorgan for dei deltagande kommunane på alle område og alle plan, og skal vere eit organ for løysing av felles spørsmål og oppgåver for dei same kommunane.

§ 3. Styringsorgan

Vest-Telemarkrådet har to styringsorgan. Det eine er Tinget, som er nærmere omhandla i kapitel 2. Det andre er Rådet, som er omhandla i kapitel 3.

§ 4. Medlemskap, utmelding, opplysing.

Kommunestyret i den einskilde kommunen gjør vedtak om deltaking i Vest-Telemarkrådet og godtar med det vedtekta for dette.

Hvis ein kommune ynskjer å gå ut av Rådet, må kommunestyret gjøre vedtak om dette. Ein kommune har rett til å seie opp sitt medlemskap med eitt års varsel.

Rådet skal opplysst når kommunestyra i eit fleirtal av medlemskommunane har gjort vedtak om dette. Regionrådet skal då avviklast.

Når avviklinga er ferdig skal attståande midlar betalast attende til kommunane i same forhold som det er gjort innbetaling.

§ 5. Endring av vedtekta.

Medlemskommunar og medlemer av Vest-Telemarkrådet kan kome med framlegg til endring av vedtekta. Slike framlegg må sendast Rådet, som sender framlegget med si førebels innstilling til medlemskommunane til uttale. Framlegget med endeleg innstilling frå Rådet skal leggast fram for Tinget. Vedtak i Tinget om vedtektsendringer krev 2/3 fleirtal.

Framlegg til vedtektsendringer skal handsamast av Tinget så snart det er praktisk mogleg, men på grunn av sakshandsaming ikkje tidlegare enn 3 månader etter dato for framlegging.

Vest-Telemarkrådet kan la ein kommune velje mellom å godkjenne føreslege vedtektsendring eller å gå ut av regionrådet utan vanleg oppseingstid.

§ 6. Arbeidsoppgåver.

Rådet skal for kvart år utarbeide forslag til arbeidsprogram for komande år, og legge denne fram for Tinget saman med budsjett for same periode. Dette arbeidsprogrammet kan også innehalde saker og tiltak som krev arbeid over fleire år.

Rådet skal freiste å ivareta ein god dialog med næringslivet i regionen.

Tinget vedtek arbeidsprogram, og denne skal vere retningsgjevande for Rådet sitt arbeid.

Rådet har likevel rett til å endre prioriteringane når spesielle tilhøve gjer dette nødvendig eller ynskjeleg.

Kapittel 2: Tinget

§ 7. Samansetjing av Tinget.

Ordførar, varaordførar, 1 anna kommunestyremedlem og rådmann i dei deltagande kommunane utgjer medlemene av Tinget.

Det vert oppnemnt personlege vararepresentantar.

Valperioden for Tinget fylgjer kommunevalperioden.

Regionordførar er også leiar for Tinget.

§ 8. Verksemda i Tinget.

Tinget kjem saman minst to gonger i året. Første møte skal normalt haldast i juni. Tinget kjem saman når eit fleirtal i rådet fastset det, eller når Regionordførar eller minst 2 av medlemskommunane krev det. Innkallinga til tingmøta skal vere skriftleg og skal sendast med minst 14 dagars varsel og skal innehalde oppgåve over dei sakene som skal handsamast.

Tinget gjer sine vedtak i møte leia av Regionordførar eller av Region-varaordførar når ordføraren har forfall. Hvis ingen av desse er med i møtet, vel Tinget ein møteleiar for møtet.

Vedtak i Tinget blir gjort med vanleg fleirtal og er gyldig når minst 50 % av medlemene/varamedlemene møter og har røysta i den aktuelle saka. Ved likt stemmetal gjer møteleiaren si røyst utslaget.

Det skal først protokoll frå møtet der alle sakene som er drøfta og vedtak som er gjort blir ført inn. Møteleiaren er ansvarleg for at denne blir ført på ein forsvarleg måte. Protokollen skal sendast alle tingsmedlemer, varamedlemer, medlemskommunar, gruppeleiaraar i kommunestyra og fylkeskommunen.

Regionordføraren er ansvarleg for at verksemda i Vest-Telemarkrådet føregår i samsvar med vedtekten og god forvaltingsskikk. Regionordføraren skal sjå til at det kvart år blir utarbeidd årsmelding med rekneskap for verksemda i regionrådet. Denne skal sendast dei same som får tilsendt møteprotokoll.

§ 9. Tinget sitt ansvar.

1. Godkjenning av arbeidsprogram og budsjett
2. Godkjenning av årsmelding og rekneskap
3. Fastsetjing av godtgjering o.l.
4. Handsame forslag til vedtektsendringer
5. Val
6. Handsame andre saker etter vedtak i rådet

Kapittel 3: Rådet

§ 10. Rådet.

Ordførarane i dei deltagande kommunane utgjer Rådet, med varaordførarane som personlege vararepresentantar. Rådet skal stå for den daglege drifta i samarbeid med sekretariatet, og i samsvar med vedtekne arbeidsoppgåver.

Leiar og nestleiar i rådet vert vald av Tinget for 2 år av gongen. Tittelen for desse tillitsvalde er Regionordførar for Vest-Telemark og Region-varaordførar for Vest-Telemark.

Rådet kan oppnemne underutval eller liknande til å arbeide med fullmakt frå rådet.

§ 11. Om avstemming og vetorett.

Kvart medlem av Rådet har vetorett med omsyn til om ei sak skal handsamast i Rådet. Viss vetoretten blir nytta, skal saka trekkast frå vidare handsaming. Det skal tungtvegande grunnar til for å nytte vetoretten, og bruken skal grunngjenvært i kvart tilfelle.

Vedtak i saker som Rådet handsamar blir gjort med vanleg fleirtal. Ved likt stemmetall gjer møteleiaren si røyst utslaget.

Kapittel 4: Administrasjon, økonomi

§ 12. Sekretariat/administrasjon.

Rådet har høve til å engasjere/tilsette sekretær/dagleg leiar og anna naudsynt hjelp innafor vedteken arbeidsplan og budsjett, eller å kjøpe sekretariattenester.

Tilsette i sekretariatet skal ha skyss- og diettgodtgjering for reiser i regionrådet sitt ærend i samsvar med regulativet som gjeld for tilsette i kommunane.

§ 13. Budsjett, finansiering.

Tinget vedtek etter forslag frå rådet kvart år eige budsjett.

Utgiftene blir å fordele slik:

Grunnsum som er lik for alle	10 %
Fordelt etter folketal	50 %
Fordelt etter nettobudsjett	40 %

Det kan i tillegg arbeidast for å skaffe finansiering frå andre hald til drift eller til prosjekt.

Mellom medlemskommunane skal det gjerast 4-årige avtaler om storleiken på driftstilskotet frå kommunane. Avtaleperioden er då dei 2 siste åra i inneverande kommuneval-periode og dei 2 første åra i neste periode. Første avtaleperiode blir 2002 – 2005.

§ 14. Rekneskap og forvalting.

Rådet er ansvarleg for rekneskapsføringa og forvalting av midlane til regionrådet.

§ 15. Godtgjering og kostnadsdekning for tillitsvalde.

Tinget skal i samband med budsjetthandsaminga fastsetje godtgjering til regionrådets tillitsvalde, dvs. Regionordførar, Region-varaordførar og rådsmedlemer.

Tingsmedlemer, varamedlemer, rådsmedlemer og medlemer av eventuelle utval skal ha dekka reiseutgifter i samsvar med regulativ for kommunane. Tapt arbeidsforteneste blir dekt etter eige regulativ for Vest-Tekmarkrådet.

§ 16. Informasjonsarbeid.

Sakliste og møtereferat til rådsmøte og møte i Tinget skal sendast alle faste medlemer og varamedlemer til dei styrande organa. Det same materialet skal sendast gruppeleiarane for dei politiske partia i medlemskommunane.

Styrande organ og administrasjon skal syte for eit aktivt informasjonsarbeid i forhold til publikum om regionrådet sitt arbeid.

Offentleggjering av saker og vedtak fylgjer same lovregulering som gjeld for kommunane.

Forslag til møte i Vest-Tekmarktinget 16. juni 2009

**Sak 9/2009 Stortingsmelding nr. 25 (2008 – 2009),
"Lokal vekstkraft og framtidstru. Om distrikts-
og regionalpolitikken".**


**Sak 9/2009 Stortingsmelding nr. 25 (2008 – 2009), "Lokal vekstkraft og
og framtidstru. Om distrikts- og regionalpolitikken".**

Som fagleg tema på dagens møte vil ein ta for seg Stortingsmelding nr. 25 (2008 – 2009) "Lokal vekstkraft og framtidstru. Om distrikts- og regionalpolitikken".

Det går fram av stortingsmeldinga at regjeringa har som overordna mål at alle skal ha reell fridom til å busetje seg der dei vil. Ein ynskjer å sikre likeverdige levekår, ta i bruk ressursane i heile landet og oppretthalde hovudtrekka i busettingsmønsteret.

Det har vore kontakt mellom Vest-Telemarkrådet og Kommunal- og regionaldepartementet i saken, og det vert lagt opp til at representantar frå politisk leiing i departementet orienterer nærmare på møtet.

Stortingsmeldinga er elles å finne på nettsida til Kommunal- og regionaldepartementet og berre dei innleiane sidene av meldinga er lagt ved saken.



KOMMUNAL- OG REGIONALDEPARTEMENTET

Du er her: regjeringen.no / Kommunal- og regionaldepart... / Pressesenter / Pressemeldinger / Lokal vekstkraft og framtidstru

Pressemelding, 17.04.2009

Lokal vekstkraft og framtidstru

Regjeringa legg i dag fram ei ny stortingsmelding om distrikts- og regionalpolitikken med tittelen Lokal vekstkraft og framtidstru. Ei hovudline i denne meldinga er å utvida handlingsrommet for kommunar og lokalsamfunn slik at den lokale vekstkrafa kan utnyttast, seier kommunal- og regionalminister Magnhild Meltveit Kleppa.

Regjeringa har som mål at folk skal ha reell fridom til å velja kvar dei vil bu. Ein aktiv distriktspolitikk skal leggja tilhøva til rette for vekst og utvikling i heile landet. Regjeringa har i inneverande stortingsperiode ført ein kraftfull distrikts- og regionalpolitikk. Det har gitt resultat. Ikkje sidan byrjinga av 1980-talet har så mange distriktskommunar hatt vekst i folketalet.

- Vi kan frå regjeringa si side laga ambisiøse planar og løyva pengar, men det medfører ikkje utan vidare ei positiv lokal-samfunnsutvikling. For å skapa attraktive lokalsamfunn treng vi ein aktiv innsats frå kommunane og lokalbefolkinga sjølv. Vekstkrafa kjem nedanfrå. Vår oppgåve og ambisjon er derfor å gjera kommunar og lokalsamfunn i stand til å nytta det lokale handlingsrommet, seier kommunal- og regionalminister Magnhild Meltveit Kleppa. Fylkeskommunane skal ha ei sentral rolle i dette arbeidet.


Innretninga på ei rekke politikkområde skal medverka til å møta utfordringar i ulike delar av landet. Det gjeld til dømes ein styrkt kommuneøkonomi, satsing på samferdsel, utdanning og forsking, helsetenester, forvaltningsplanar for verneområda, fiskeri, havbruk og landbruk.

Meldinga varslar også ei rekke nye tiltak:

- Nye mål for breiband for å sikra større kapasitet i heile landet
- Eit program for styrka kapasitet og kompetanse til å driva lokal samfunnsutvikling i kommunane
- Eit nytt næringshageprogram frå 2011
- Ei mentorordning slik at unge gründarar kan få hjelp og støtte frå ein erfaren "oppmann"
- Eit nytt nasjonalt kunnskapsprogram for auka bulyst i kommunar med svak utvikling i folketalet

- Å gje folk i heile landet like moglegheiter og likeverdige levekår er eit viktig verdival for denne regjeringa, seier kommunal- og regionalministeren.

Kommunal- og regionaldepartementet sin pressetelefon: 22 24 25 00.



KOMMUNAL- OG REGIONALDEPARTEMENTET

Du er her: regjeringen.no / Kommunal- og regionaldepart... / Pressesenter / Pressemeldinger / Kommunane si rolle som samfunnsutviklar skal styrkast

Pressemelding, 17.04.2009

Kommunane si rolle som samfunnsutviklar skal styrkast

I stortingsmeldinga om Livskraft og framtidstru varslar regjeringa ei satsing for å styrkja arbeidet i kommunane med lokal samfunnsutvikling. Satsinga vil vera særleg viktig for små kommunar, byar og regionale sentra med svak utvikling i folketal og sysselsetting, seier kommunal- og regionalminister Magnhild Meltveit Kleppa.

Lokalsamfunn og kommunar må vera attraktive for at fok skal ønskja å slå seg til der. Dei må ha arbeidsplassar, gode tenester, fritidstilbod og attraktive bustad- og sentrumsmiljø. Fleire undersøkingar syner at mange kommunar har utfordringar med kapasitet og kompetanse når det gjeld å vera sterke lokale utviklingsaktørar. Dette gjer kommunane meir sårbare for framtida.


- For å nå målet om reell fridom til busetjing ønskjer vi å gjera kommunane til betre "oppmenn" for lokal mobilisering og gjennomføring av utviklingstiltak, seier Magnhild Meltveit Kleppa.

Denne satsinga vil bli sett i samanheng med eit arbeid i fylkeskommunane for å få etablert ei førsteline for småskala næringsutvikling i kommunane. Løyvingane til kommunale næringsfond er auka dei siste åra. Det er viktig at det finst eit lågterskeltilbod for unge entreprenørar og eldsjeler der dei kan få råd og støtte. Det kan handla om eit første kontaktpunkt, rettleiing og finansiering i ein tidleg fase eller formidling av kontakt til lokale nettverk, kompetansemiljø og Innovasjon Noreg i fylka.

Satsinga må også sjåast i samanheng med auka behov for samarbeid mellom kommunar på fleire område. Dette er særleg viktig for mindre kommunar når det gjeld tilgang på kompetanse, men også når det gjeld omdømearbeid og tilflyttungsprosjekt.

- Innhaldet i satsinga skal konkretiserast i 2009. Fylkeskommunane er tiltenkt ei sentral rolle i arbeidet. Satsinga har også som delmål å styrkja samarbeidet regionalt om støtte til lokalt samfunnsutviklingsarbeid, seier statsråden.

Kommunal- og regionaldepartementet sin pressetelefon: 22 24 25 00



KOMMUNAL- OG REGIONALDEPARTEMENTET

Du er her: regjeringen.no / Kommunal- og regionaldepart... / Aktuelt / Taler og artikler / Ministerens taler og artikler / 2009 / Distrikt og lokalsamfunn går aldri av moten

Tale/artikkkel, 04.05.2009

Av: Kommunal- og regionalminister Magnhild Meltveit Kleppa

Distrikt og lokalsamfunn går aldri av moten

Verda er råka av ei økonomisk krisje. Bølgjene frå eit opprørt verdshav vil også slå inn over den lange norske kystlinia. I ein slik situasjon treng vi ein ambisiøs politikk for lokalsamfunn og distrikt.

Den stortingsmeldinga som regjeringa la fram i førre veke om distrikts- og regionalpolitikken skal ikkje vera til å mistyda. Folk skal ha ein reell fridom til å busetja seg der dei ønskjer. Det skal vera mogleg å skapa verdiar, arbeidsplassar og velferd der folk vil bu.

Ei hovudline i meldinga er å utvida det rommet for handling som kommunar og lokalsamfunn har. Den lokale vekstkrafta skal utnyttast. Den einskilde innbyggjar skal ha reell fridom til å velja kvar dei vil bu. Ein aktiv distriktpolitikk skal leggja tilhøva til rette for vekst og utvikling i heile landet.

Vi har i inneverande stortingsperiode ført ein kraftfull distrikts- og regionalpolitikk. Det har gitt resultat. Ikkje sidan byrjinga av 1980-talet har så mange distriktskommunar hatt vekst i folketalet.

Så er det viktig å hugsa at om vi i regjering og departement skriv ambisiøse planar og løvya pengar, medfører det ikkje utan vidare ei positiv utvikling lokalsamfunna. For å skapa attraktive lokalsamfunn treng vi ein aktiv innsats frå kommunane og lokalbefolkinga sjølv. Vekstkrafta kjem nedanfrå. Vår oppgåve og ambisjon er derfor å gjera kommunar, fylkeskommunar og lokalsamfunn i stand til å handla lokalt, til beste for innbyggjarane.

Innretninga på ei rekke politikkområde skal medverka til å møta utfordringar i ulike delar av landet. Det gjeld til dømes betre kommuneøkonomi, satsing på samferdsel, utdanning og forsking, helsetenester, forvaltningsplanar for verneområda, fiskeri, havbruk og landbruk.

Meldinga varslar også ei rekke nye tiltak:

- Nye mål for breiband for å sikra større kapasitet i heile landet
- Eit program for styrka kapasitet og kompetanse til å driva lokal samfunnsutvikling i kommunane
- Eit nytt næringshageprogram frå 2011
- Ei mentorordning slik at unge gründarar kan få hjelpe og støtte frå ein erfaren "oppmann"
- Eit nytt nasjonalt kunnskapsprogram for auka bulyst i kommunar med svak utvikling i folketalet.

Som kommunal- og regionalminister har eg rikeleg høve til å oppleve at mykje er annleis frå sør til nord og aust til vest. Overalt treffer eg likevel menneske som er opptekne av å skapa gode og livskraftige samfunn for ein familie, ei bedrift, ei offentleg verksemد eller ein friviljug organisasjon.

Når folk eg møter tek kontakt, er det kan hende for å få hjelpe til å handtera dei kreftene som ikkje alltid spelar på lag med distrikt og mindre samfunn. Det kan vera nokre ekstra kroner til utvikling av næringsliv og arbeidsplassar. Det kan vera betre tilrettelegging av ei lov eller føresegn. Det kan vera ønskje om løving til betre offentlege tenester. Eller som dei ungdomane eg møtte frå Granvin ungdomsråd på eit folkemøte om meldinga i Ullensvang sa: - Skal vi busetja oss her etter utdanning, treng vi gode bustader, gode offentlege tenester og eit kulturliv som famnar breitt. Gløym heller ikkje kollektivtransport, rassikring og kommunar som maktar samarbeida over grensene.

Dei er ikkje kravstore, ungdomane, når dei kjem med desse innspela. Dei gjev uttrykk for andre ønskje enn dei vi høyrdde for nokre år sida. Det er avgjerande å mobilisera ungdom som skal etablera seg for å få til ei positiv lokal samfunnsutvikling. Dei vala unge i etableringsfasen tek, avgjer utviklinga i busetnadsmønsteret i landet over tid.

Regjeringa ønskjer eit levande Noreg. Då må vi stimulera den lokale vekstkrafta. Folk har gjennom generasjonar vist at dei har nauðsynfantasi og arbeidsvilje til å ta i bruk ressursar og skapa seg gode liv. Lang eller kort veg til naboen, dette skal vera mogleg også i åra som kjem.



St.meld. nr. 25

(2008–2009)

Lokal vekstkraft og framtidstru
Om distrikts- og regionalpolitikken



Innhold

1	Sikre reell fridom til busetjing	7	3.2.13	Universell utforming og førebygging	41
1.1	Overordna mål	7	3.2.14	Kulturbasert lokal samfunnsutvikling	42
1.2	Samandrag	8	3.2.15	Frivillig sektor	44
2	Ufordinigar	10	4	Den regionale utviklingsaktören	45
2.1	Samfunnssendringar	10	4.1	Fylkeskommunane som regional politisk utviklingsaktør	45
2.1.1	Endringar i folketal.....	10	4.1.1	Utviklingsrolla til fylkeskommunane er viktig for samfunnsutviklinga.....	45
2.1.2	Levekår	15	4.1.2	Forventningar til regionalt samarbeid og partnarskap.....	47
2.1.3	Regional økonomisk utvikling.....	15	4.1.3	Særleg om regional nærings- utvikling i lys av ny oppgåvædeling.....	47
2.2	Konkretisering av mål og innretning på distrikts- og regionalpolitikken	19	4.1.4	Samarbeid og dialog mellom departementa og fylkeskommunane..	49
2.2.1	Ufordinigar og ambisjonar	19	4.1.5	Forbetra dialog om planlegging gjennom regionale planstrategiar	50
2.2.2	Ein samla politikk for å utnytte moglegheiter og møte ufordinigar ...	22	4.2	Forvaltning av midlane til regional utvikling under KRD	51
3	Skape attraktive lokalsamfunn	24	4.2.1	Fordeling av regionale utviklingsmidlar mellom fylka	51
3.1	Utviklingskrafta må kome nedanfrå....	24	4.2.2	Evaluering av midlar til regional utvikling (kapittel 551, post 60)	52
3.1.1	Unge må inn i lokalt samfunnsutviklingsarbeid	25	4.3	Det internasjonale engasjementet til fylkeskommunane	53
3.1.2	Mange initiativ for å styrke vekstkraft nedanfrå.....	26	5	Nasjonale rammer for regional utvikling	56
3.1.3	Kommunane er viktige for lokal samfunnsutvikling	27	5.1	Den differensierte arbeidsgjevar- avgifta, det distriktpolitiske virkeområdet og konkurranse- reglane i EU	56
3.1.4	Styrking av samfunnsutviklings- arbeid i kommunane	28	5.1.1	Den differensierte arbeidsgjevaravgifta	56
3.1.5	Fylkeskommunane og Kompetansesenteret for distriktsutvikling som gode støttespelarar for lokal samfunnsutvikling	28	5.1.2	Behalde handlingsrommet i retningslinene for regionalstøtte	56
3.2	Initiativ, verktøy og forventningar til lokalt samfunnsutviklingsarbeid....	30	5.1.3	EU sin framtidige regionalpolitikk	57
3.2.1	Samfunnsplanlegging og mobilisering som verktøy	30	5.2	Klimaendringar set nye rammer for regional utvikling.....	58
3.2.2	Samarbeid over kommunegrenser	31	5.2.1	Klimautfordringar	58
3.2.3	Kommunane som førsteline for næringsutvikling og kommunale næringsfond	32	5.2.2	Oppfølging av klimameldinga og klimaforliket	58
3.2.4	Samvirke som organisasjonsform.....	33	5.3	Kommuneøkonomien som føresetnad for fridom til busetjing	59
3.2.5	Heilskapleg stadutvikling	33	5.3.1	Nytt inntektssystem frå 2009	59
3.2.6	Omdømme- og identitetsbygging	35	5.3.2	Utviklinga i kommuneøkonomien	60
3.2.7	Utvikling av tenester	36	5.4	Landbrukspolitikken	60
3.2.8	Vidareutvikling av utkantbutikkar – MERKUR.....	36	5.4.1	Landbruksavtalen i WTO	60
3.2.9	Mottaking og inkludering av innvandrarar og tilflyttarar	37			
3.2.10	Livskraftige kommunar.....	39			
3.2.11	Lokal bustadpolitikk	39			
3.2.12	Landbrukseigedommar som ressurs	40			

5.4.2	Verknader av effektivisering i landbruket for økonomisk aktivitet og busetjing i distriktsområde	60	5.10.3	Kulturlandskap og natur- og kulturparkar	84
5.4.3	Skogpolitikken – verknad for sysselsetjing og busetjing	62	5.11	Politikk for å møte utfordringane fra den økonomiske situasjonen	85
5.5	Fiskeripolitikken.....	62	5.11.1	Tiltak for å auke kapitaltilgangen under finansuroa	85
5.5.1	Strukturpolitikken, kvotepolitikk, regulering av fisket og strategi for marin sektor	63	5.11.2	Finansielle verkemiddel for å møte redusert økonomisk aktivitet	86
5.5.2	Fiskeindustrien – tilgang på ressursar og krav om l anding av fisk	64	5.11.3	Arbeidsmarknadstiltak, kompetanse og omstilling	87
5.5.3	Utdanning og rekruttering til fisket....	64	5.11.4	Reglar for permitting	87
5.5.4	Havbruk – regulering og konsesjonar	65	6	Områdeinnsats.....	89
5.6	Samferdselsinfrastruktur gjev viktige rammer for regional utvikling.....	65	6.1	Særskild innsats i Nord-Noreg	89
5.6.1	Utfordringar på transportområdet	65	6.1.1	Store utfordringar og moglegheiter – sterkt offentleg innsats	89
5.6.2	Ny nasjonal transportplan.....	66	6.1.2	Vidareutvikling av nordområdestrategien til regjeringa – <i>Nye byggsteiner i nord</i>	90
5.6.3	Førarkortopplæring knytt til vidaregående opplæring	69	6.1.3	Auka verdiskaping på land i nord	91
5.6.4	Den digitale allemannsretten	69	6.1.4	Strategisk styrking av kunnskapsinstitusjonane og kunnskapsmiljøa	92
5.6.5	Mobildekning.....	71	6.1.5	Internasjonalt samarbeid i nord	93
5.6.6	Gode posttilbod	72	6.2	Politikk for fjellområda	94
5.6.7	Nettileige for straum, produksjon og nettutvikling og rammevilkår for kraftkrevjande industri.....	72	6.2.1	Utfordringar og moglegheiter	94
5.7	Kompetanse, utdanning og forsking ...	72	6.2.2	Offentlege tiltak og politikk som er viktig for fjellområda	95
5.7.1	Kunnskapssamfunnet i framtida	72	6.2.3	Samordning av lokale og nasjonale interesser når det gjeld ressursar og verdiar i fjellområda.....	98
5.7.2	Fråfall i vidaregåande opplæring	73	7	Styrke entreprenørskap og nyskaping.....	100
5.7.3	Verdien av høgskule- og universitetssystemet for regional utvikling.....	74	7.1	Behov for regionalt differensiert nærings- og innovasjonspolitikk	100
5.7.4	Vidareutvikling av høgare utdanning	74	7.2	Nærare vurdering av utfordringar i næringslivet	101
5.7.5	Forsking for regional vekstkraft	76	7.2.1	Geografiske skilnader i korleis næringslivet vurderer utfordringane sine	102
5.8	God tilgang på spesialisthelsetenester i alle delar av landet.....	78	7.2.2	Utfordringar og moglegheiter i ulike typer by- og arbeidsmarknadsregionar for å ta heile landet i bruk i verdiskapinga	102
5.8.1	Ein heilskapleg sjukehusstruktur	78	7.3	Utvikle næringsmiljø, verdikjeder og innovasjonssystem ...	104
5.8.2	Samhandling mellom primær- og spesialisthelsetenesta.....	79	7.3.1	Utvikling av nettverk for forskingsbasert innovasjon	105
5.9	Lokalisering av statlege arbeidsplassar og statleg forvaltningspolitikk	79	7.3.2	Utvikling av klyngjer og nettverk i og mellom næringsmiljø	105
5.9.1	Ein aktiv statleg lokaliseringspolitikk	79	7.3.3	Omstillingsarbeid i område råka av nedleggingar	108
5.9.2	Organiseringa av regional statleg forvaltning	81			
5.10	Natur- og kulturlandskap	82			
5.10.1	Naturvernområde som ressurs	82			
5.10.2	«Naturarven som verdiskapar» – verdiskapingsprogram for naturarven	84			

7.4	Sikre vekst og omstilling i eksisterande bedrifter og næringsliv	109	7.6.3	Verdiskapingsprogrammet på kulturminneområdet	121
7.4.1	Geografiske skilnader i kapitaltilgang.....	110	7.6.4	Maritime næringar.....	122
7.4.2	Tilskot og lån til bedrifter i det distriktpolitiske virkeområdet	110	7.6.5	Utvikling av nye næringar i landbruket.....	122
7.4.3	Innsats for å heve kompetansen i eksisterande næringsliv.....	110	7.6.6	Verdiskapingsprogram for næringskombinasjonar i samiske område	124
7.5	Styrke arbeidet med entreprenørskap.....	112	7.6.7	Det marine verdiskapings- programmet	125
7.5.1	Byggje kultur for entreprenørskap....	112	7.6.8	Marin bioprospektering	126
7.5.2	Rettleiing og kompetanse	113	7.6.9	Alternative energiformer	127
7.5.3	Tilgang på kapital i tidleg fase.....	115	8	Økonomiske og administrative konsekvensar	129
7.5.4	Tilrettelegging av og nettverk for entreprenørskap	116	Vedlegg		
7.5.5	Auke entreprenørskapen og næringsdeltakinga til kvinner	118	1	Utvikling i folketalet 2002–2009 og inndeling av regionar.....	130
7.6	Bransjespesifikk innsats for næringsutvikling	119	2	Det distriktpolitiske virkeområdet og soner for redusert arbeidsgjevaravgift	132
7.6.1	Reiseliv.....	119	3	Čoahkkáigeassu	134
7.6.2	Kultur og næring	121			



St.meld. nr. 25

(2008–2009)

Lokal vekstkraft og framtidstru Om distrikts- og regionalpolitikken

*Tilråding frå Kommunal- og regionaldepartementet av 17. april 2009,
godkjend i statsråd same dagen.
(Regjeringa Stoltenberg II)*

1 Sikre reell fridom til busetjing

1.1 Overordna mål

Regjeringa vil at alle skal ha reell fridom til å busetje seg der dei vil. Vi vil sikre likeverdige levekår og ta ressursane i heile landet i bruk. Regjeringa vil oppretthalde hovudtrekka i busetnadsmønsteret for å vidareføre og vidareutvikle det mangfaldet i historie, kultur og ressursar som ligg i dette.

Regjeringa vil fremje ei balansert utvikling mellom by og land. Noreg er eit stort og langstrakt land med lågt folketal og spreidd busetnad. Identiteten til folk er knytt både til lokalsamfunnet og til regionen rundt, og til det mangfaldet som til saman utgjer nasjonen. Nærings- og kompetansemiljøa, naturressursane og arbeidskrafta hos menneska i by og bygd er grunnlaget for velferd og levekår og representerer eit potensial for meir verdiskaping.

For å nå målet om reell fridom til busetjing, vil regjeringa vidareføre sitt distriktpolitiske løft. Det skal medverke til å styrke den lokale og regionale vekstkræfta i område med låg økonomisk vekst, lang avstand til større marknader, einsidig næringsstruktur og stagnasjon eller nedgang i folketaket. Regjeringa vil samstundes leggje til rette for å utnytte verdiskapingspotensiala og møte le-

vekårsutfordringane i alle delar av landet, også i område med vekst i økonomi og folketal. Regjeringa legg vekt på at små og mellomstore byar og større byområde kan verke som eit lim i busetnadsmønsteret, og som drivkraft for nasjonal og regional utvikling.

Regjeringa ønskjer å styrke kombinasjonen av lokalt initiativ og fellesskap og samspel mellom ulike delar av landet. Den store variasjonen i lokal økonomisk aktivitet som følgjer av den nasjonale arbeidsdelinga, krev eit sterkt statleg nivå for å sikre fordeling og likeverdige rammevilkår på tvers av geografiske skilnader. Samstundes treng vi sterke regional- og lokalpolitiske nivå som kan ta eigne initiativ for å mobilisere og utnytte lokale ressursar og engasjement. Regjeringa vil derfor føre ein regionalt differensiert politikk på fleire politikkområde og leggje til rette for regionale og lokale prioriteringar for å møte lokale utfordringar.

Klimaendringane stiller heile verda overfor store utfordringar for åra framover. Desse utfordringane vil også få konsekvensar for regional utvikling og distrikts- og regionalpolitikken. Regjeringa legg stor vekt på å møte utfordringane på ein offensiv måte. Klimatiltak opnar også for ny næringsverksamhet. Samstundes er det viktig at innsats for å nå

distrikts- og regionalpolitiske mål, vert tilpassa klimautfordringane, og at lokale og regionale styresmakter i arbeidet for regional utvikling medverkar til at Noreg vert eit lågutsleppsfunn.

Uroa i verdsøkonomien gjev særskilde utfordringar i dei nærmaste åra. Noreg har ein open økonomi, og eksportverksemndene deltek i ein global konkurrans. Arbeidsløyse vil råke mange som følgje av redusert aktivitet i næringslivet. Vi har likevel betre føresetnader enn mange andre land for å setje inn tiltak som kan motverke nedgangstidene i næringslivet. Regjeringa vil føre ein aktiv politikk for å redusere dei negative konsekvensane som følger av uroa i verdsøkonomien for arbeidsmarknadene og lokalsamfunna i ulike delar av landet.

Denne meldinga er ei oppfølging av St.meld. nr. 21 (2005-2006) *Hjarte for heile landet*, som konkretiserte mål og initiativ i Soria Moria-erklærunga. Meldinga inneheld mål, ambisjonar og rammer for eit vidare offensivt arbeid med distrikts- og regionalpolitiske utfordringar i den neste storingsperioden. Meldinga inneheld også konkretiseringar av regjeringa sitt syn på fordeling av roller og ansvar mellom staten, fylkeskommunane og kommunane i distrikts- og regionalpolitikken som følge av den nye oppgåvedelinga etter forvaltningsreforma, jf. Ot.prp. nr. 10 (2008-2009).

Følgjande strategiar frå Soria Moria-erklærunga ligg til grunn for arbeidet:

1. Betring av grunnlaget for utvikling i dei enkelte regionane ved å styrke kompetansen, leggje til rette for nyskaping og næringsutvikling, redusere avstandshinder, utvikle livskraftige og trygge lokalsamfunn og fremje berekraftig bruk av naturressursane
2. Utvikling av næringsverksemnd på område der dei enkelte regionane har spesielle føresetnader
3. Særsiktig innsats for å møte utfordringane i dei mest utsette områda

1.2 Samandrag

Vekstkrafta kjem nedanfrå. Den kreative evna til folk har gjort at vi har utnytta og foredla ressursane i landet på stadig nye måtar. Dette har lagt grunnlaget for økonomisk velstand og kulturelle verdiar i Noreg. Det varierte busetnadsmønsteret vitnar om ei evne til kreativ utnytting av naturressursane og har gitt landet eigenart. Sjølv om Noreg i større grad enn andre land har livskraftige små og store samfunn i heile landet, er den vedva-

rande sentraliseringa av innbyggjarane ei utfording for å oppretthalde hovudtrekka i busetnadsmønsteret. Derfor er det gledeleg at mange fleire kommunar har opplevd vekst i folketallet på grunn av tilflytting dei siste to åra, og då særleg frå utlandet. Tilflyttarar frå utlandet utgjer ein stor ressurs som både store og små lokalsamfunn bør ta imot og inkludere på ein god måte.

Regjeringa vil leggje til rette for at folk har reell fridom til å velje kvar dei vil bu. Den første større flyttemotivundersøkinga på 36 år har synt at det varierer kva for kvalitetar folk er ute etter. Tidlegare var arbeid den mest sentrale faktoren for kvar folk busette seg. Framleis er arbeid ein avgjerande faktor, men også gode bustader, tilgang til tenester, nærliek til familie og stad- og miljøkvalitetar er faktorar som påverkar busetningsvala til folk. Ikkje alle stader kan dekkje alle ønske, men regjeringa vil føre ein politikk som gjer at folk i heile landet skal kunne leve gode og meaningsfulle liv og utvikle sine kreative evner der dei bur.

Regjeringa har gjennomført eit distriktpolitisk løft. Det har medverka til å gje folk i både bygder og byar tru på framtida. Dette løftet ønskjer regjeringa å føre vidare. I dei urolege økonomiske tidene landet er inne i, er det også viktig at det vert ført ein aktiv politikk på mange område. Regjeringa vil halde fram med å styrke kommunøkonomien, satse på ei storstilt utbygging av vegar og jernbane, setje eit nytt mål for utbygging av breiband og føre ein aktiv og differensiert nærings- og sysselsetjingspolitikk for å sikre arbeid til alle. Ein godt utbygd infrastruktur er heilt avgjerande for ei positiv samfunnsutvikling i eit stort og langstrakt land som Noreg, eit land med lågt folketal og store avstandar.

Regjeringa legg til grunn at det er best å møte lokale utfordringar med lokale initiativ. Vi ønskjer å stø opp om lokal samfunnsutvikling og kommunen som utviklingsaktør. Mobilisering av lokale eldsjeler, unge og frivillige organisasjoner har gjeve ny giv til mange stader. Dette kan vi ta lærdom av. Samstundes har mange kommunar utfordringar med å få til eit kraftfullt lokalt utviklingsarbeid. Kommunal- og regionaldepartementet vil invitere fylkeskommunane til eit samarbeid om ei satsing for å styrke arbeidet med mobilisering og lokal samfunnsutvikling i kommunane. Departementet vil også vurdere å setje av midlar til lokale og regionale utviklings- og kunnskapsprosjekt om bulyst og inkludering av tilflyttarar.

Statlege og regionale styresmakter har ei viktig oppgåve i å leggje til rette for vekstkraft nedanfrå. Saman med robuste kommunar er eit sterkt

regionalt nivå avgjerande for at ulike område kan utvikle dei regionale fortrinna sine. Regjeringa har gjennom forvaltningsreforma lagt grunnlaget for å styrke rolla til fylkeskommunane som regionale utviklingsaktørar. Fylkeskommunane kan gjennom tilpassing av verkemiddel og regionalt samarbeid i mange tilfelle stø lokale krefter og næringsliv på ein meir treffsikker og samordna måte, enn ved direkte statleg sektorinnsats.

Dei viktigaste ressursane i landet er dei som ligg i arbeidskrafta til folk, og i folk sine kreative løysingar på utfordringar. Regjeringa vil føre ein politikk som tek i bruk ressursane der folk bur. Ei god grunnopplæring og ein godt utbygd infrastruktur for høgare utdanning har gjeve Noreg kompetente og tilpassingsdyktige innbyggjarar. Regjeringa vil vidareføre ein desentralisert struktur på utdanninga, som kan møte nye krav til kvalitet og innhald i studietilboda. Regjeringa vil også leggje til rette for god kontakt mellom forskings- og utdanningsinstitusjonar og arbeidsliv i heile landet, for å stimulere til innovasjon i både privat og offentleg sektor. Stor tillit og godt samarbeid mellom leiarar og tilsette i arbeidslivet har også gjeve grunnlag for å utnytte kompetansen til den enkelte på stadig nye måtar. Regjeringa legg vekt på å stø opp om dette samarbeidet i arbeidslivet.

Unge har andre forventningar til stader, arbeid og buområde i dag enn tidligare generasjoner. Regjeringa ser det derfor som viktig at dei unge vert inkluderte og mobiliserte i utviklinga av lokalsamfunna. Det er dei unge som utgjer framtida så vel på mindre stader som i større byar. Unge har òg nye idear og ser nye område for utvikling. For å stimulere til ny verksemd legg regjeringa stor vekt på tiltak for entreprenørskap og større heilskap i arbeidet: ein ny handlingsplan for entreprenørskap i utdanninga, betre samanheng i tilboda om rettleiing og meir løvyingar til entreprenørar for å skape nye arbeidsplassar under den pågående nedgangstida. Regjeringa legg også stor vekt på at ressursane til nyskaping og entreprenørskap hos kvinner må utnyttast betre enn i dag.

Norsk næringsliv er i stor grad basert på avansert utnytting av naturbaserte ressursar for vidare

sal på ein stadig meir konkurransesett og globalisert marknad. Landet vårt er også prega av ei klar regional arbeidsdeling. Mykje av vareproduksjonen skjer på mindre stader og i små og mellomstore byar, medan mestedelen av tenesteytinga med nasjonalt nedslagsfelt er lokalisiert i storbyane. Det gjer at dei ulike delane av landet er avhengige av kvarandre. Regjeringa vil leggje til rette for nyskaping og omstilling i næringslivet i heile landet, og for eit aktivt verkemiddelapparat som stimulerer fram eit meir innovativt næringsliv. Globale utfordringar må gjerast til globale fortrinn. Regjeringa legg vekt på at den omstillinga som er naudsynt for å møte den rådande økonomiske situasjonen, fører til utvikling av eit meir berekraftig næringsliv, som også tek omsyn til og utnyttar ny teknologi for å møte klimautfordringane.

Regjeringa vil vidareutvikle nordområdestrategien, og medverke til utnytting av dei naturgitte ressursane i Nord-Noreg for vekst og utvikling for landsdelen og landet som heilskap. Nord-Noreg har særlege utfordringar knytte til spreidd busettingsmønster, lange avstandar og små arbeidsmarknader. Regjeringa vil halde fram med å prioritere Nord-Noreg i den distriktpolitiske ekstra innsatsen for å medverke til å styrke grunnlaget for reell fridom til busetnad i landsdelen. Samstundes legg regjeringa opp til ein målretta ekstra innsats dei neste 10–15 åra, for å styrke ei berekraftig ressursutnytting i nord, fremje landbasert næringsutvikling, vidareutvikle infrastrukturen og sikre kulturen og livsgrunnlaget til urfolk.

Spreidd busetnad og utnytting av dei naturgitte ressursane har gjeve eit særprega kulturlandskap som saman med ein unik natur utgjer eit stort potensial for vidareutvikling av kultur- og reiselivet. Fjellområda i Noreg er prega av kultur- og naturlandskap av stor verneverdi, stor grad av landbruksbasert verksemd og utnytting av område til rekreasjon. Regjeringa legg vekt på at det må vere ein god balanse mellom bruk og vern for å ta vare på desse verdiane og samstundes gjere det mogleg for lokalsamfunna å utnytte potensiala for verdiskaping.